

Jeremia

Propete Jeremia gêmôa nom gêmun Apômtau Jesu amboac jala 600. En gêjam kôm propetenja jala taêsam ma gêjac binjsu Anôtônê lau gebe sênam taun ôkwi. Embe masi, go gêñwapac kapôên êtap êsêac sa êtu nêñ sec to nêñ sakin gwamñaña. En gêmôa nom e gêlic bin, tañ kêsôm lasê nan ñanô kêsa. Kin Babilonña Nebukadnesar kêku Jerusalem tulu ma gesen malac to ñalôm dabun su ma gêwê kin Judana to nê lau taêsam jasêngôn kapoacwalô anga Babilon. Mago Jeremia geoc bin ten lasê gêwin gebe êsêac sêmu sêmên anga Babilon ma sêmboa nêñ gôlôac sa êtiam.

Buku tau ñasêbu aclê gebe

1. Môkêlatu 1–25 Anôtô kêkên ñawae gêdên nê lau gêdên tañ kin têtêac sêjam gôlin êsêac nan. Kin têtêac nêñ ñaê gebe Josia agêc Joiakim ma Sedekia.
2. Môkêlatu 26–45 Jeremianê ñac-keto-papiawaga Baruk gêjac min nê bin ñagêdô. En keto bin ñagêdô Anôtô geoc lasê ma Jeremia tau nê lêñ ñamin towae ñagêdô kêsêp buku tonec gêwin.
3. Môkêlatu 46–51 Anôtô geoc lau jaba nêñ bin ñagêdô lasê.
4. Môkêlatu 52 Bin ñatêku ten, tañ gêjac min ñacjo sêku Jerusalem tulu to sesen lôm dabun su ma sêwê lau jasêngôn kapoacwalô anga Babilon.

Jeremia en ñac têtac malô. En têtac gêwin nê lau ñanôgen ma gedec gebe êsôm bin mêtônja lasê êndên êsêac. Mago Anôtônê bin kêtun ênê ñalêlôm

kêtom ja, tec en kêtom gebe êngamin bin tau atom, kêsôm lasêgen.

Buku tau nalô towae ngagêdô kêkanôn Jeremi-anê têm wapac atom, kêkanôn têm, tan gêc nêmnâ nan. Êndên têm ônê Anôtô oc êmoatin poac wakuc êndên nê lau. Ma êsêac oc sejop poac tônê napep. Kêdônwaga to binsu ten oc êlên bin êsêac gebe sêlin poac sin atomnâ nec atom, gebe poac tau nabin ênêc nê nâlêlôm (31:31-34).

Anôtô kêkalem Jeremia ma kêsakin en gebe ênam kôm

¹ Jeremianê bin tonec. Jeremia en Hilkia latu. Hilkia tau en anga dabunwaga, tan sêmoa malac Anatot anga Benjaminnê gamên nan, nê nâc ten.

² Gêdên têm tan Amon latu Josia kêtû Judanên kin ma gêjam gôlin gamên kêtom jala 13 su nan, Apômtaunê bin gêdên Jeremia tau.

³ Bin tau gêdên Jeremia amboac tonangen gêdên Judanên kin Josia latu Jojakim nê bêc e gêdên Judanên kin Josia latu Sedekia nê gôlin najala kêtû 11 na su napan e gêdên jala, tan sêkên lau Jerusalemna sêngôn kapoacwalô naajôn kêtû lemen ten.

⁴ Ma Apômtaunê bin gêdên aê gebe

⁵ “Aê kajala aôm gêdên tan kamasan aôm anga tênam têtaclêlôm atomgen nan,

tênam kêkôc aôm atomgen ma gajam mec aôm su, aê kajalin aôm sa gebe ôtu tentenlatunên propete.”

⁶ Go aê kasôm gebe “O Apômtau Anôtô, ôlic acgom, aê npalê kwalam ma kajala jasôm binna atom.”

⁷ Mago Apômtau kêsôm gêdên aê gebe

“Ôsôm gebe’ Aê npalê kwalam’ nec atom

gebe aôm oc ôndên lau, tañ jasakiñ aôm nañ ôna
ma ôsôm biñ, tañ aê jajatu aôm nañ.

⁸ Ôtêc êsêac atom

gebe aê gamoa gawiñ aôm gebe janam aôm sa.

Apômtaunê biñ tau tonec.”

⁹ Go Apômtau kêmetôc lêma mênkêmoasac aê aocsun
ma kêsôm gêdên aê gebe

“Ôlic acgom, aê kakên ñoc biñ kêsêp aôm awamsun.

¹⁰ Gôlicgac me, ocsalô tonec aê kakên aôm kôtu

tentenlatu to gamên kiñña samob ñatau

gebe ômbuc sa ma ôtuc popoc gebe onsen su ma ôku
tulu

gebe ôkwê sa ma ôsê.”

¹¹ Go Apômtaunê biñ gêdên aê gebe “Jeremia,
aôm gôlic asagen.” Ma aê kasôm gebe “Aê galic tali
ñalaka ten.”

¹² Go Apômtau kêsôm gêdên aê gebe “Aôm gôlic
jagêdên gebe aê gajam jali ñoc biñ gebe ñanô êsa.”

¹³ Apômtaunê biñ gêdên aê kêtû dim luagêcña
gebe “Aôm gôlic asagen.” Ma aê kasôm gebe “Aê
galic ku ten keletoc ma kêku sa anga gamên nodonja
gêmên.”

¹⁴ Go Apômtau kêsôm gêdên aê gebe “Anga gamên
nodonja ñaclai sec ensen gêñña oc mênêpi lau
samob, tañ sêngôn gamên tonec nañ.

¹⁵ Ôlic acgom, aê oc jamôêc gamên kiñña samob,
tañ gêc nodonja nañ, ñalau toton-toton. Apômtaunê
biñ tau tonec. Ma êsêac oc sêmên ma tetoc
nên lêpôn kiñña êkô êkanôn Jerusalem ñasacgêdô
samob êtômgen ma sêndênañ lêpôn kiñña êñgi
Jerusalem ñatuñbôm auc ma tetoc lêpôn êkô êkanôn
malac Judaña samob.

16 Ma aê oc jasôm ñoc mêtôc lasê êpi êsêac êtu nêñ sec samobña gebe êsêac sêwi aê sinj ma sêkêñ da ñamalu gêdêñ anôtôi jaba ma tetên mec gêdêñ gêñ, tañ êsêac tauñ lemen sêmasañ nanj.

17 “Mago aôm ôjandin nêñ ômbinjak tôñ ma ôsôm binj samob, tañ oc jajatu aôm nanj, êndêñ êsêac. Ôtakê êtu êsêacña atom, embe ôtakê, go aê jatakê aôm anga êsêac lanôñnêmña amboac tonanjenj.

18 Ôlic acgom, ocsalô tonec aê jakêñ aôm ôtu malac ñajaña tenj ma ôtu alê ki tenj to ôtu tunbôm ki gebe ôkô ñajaña e Judanêñ kinj to kasêga ma dabunwaga to lau gamênj tonecña tau sêku aôm tulu atom.

19 Êsêac oc sênac sinj êndêñ aôm, mago êsêac oc sêku aôm tulu atom gebe aê gamoa gawinj aôm gebe janam aôm sa. Apômtaunê binj tau tonec.” *
† kêtôm tau. Jeremia gejo Apômtau awa gebe “Aê galic tali... “Ma Apômtau kêsôm gebe “Binjanô

2

Anôtô gêjam jaom Israel

1 Apômtaunê binj gêdenj aê gebe

2 “Ôna ma ôsôm binj tonec lasê êndêñ lau Jerusalemña sênô gebe Apômtau kêsôm binj tonec gebe

Aê taêc gêjam aôm gebe kôkêñ taôm samucgen
gêdêñ aê gêdêñ tañ gômoa ñapalêogenj nanj.

Aôm têmtac gêwinj aê amboac awê gebe ênam ñac.

Aôm kôdaguc aê anga gamênj sawa,

anaga gamênj, tañ sêsê gêñ tenj kêsêp atom nanj.

* 1:19: Têm tonanjenj kêsêp jala 608 to 587 gêmunj Kilisi. † 1:19: Anga Ebolai awenj “tali” ma ñalô “tanam jali” kêtanjenj

³ Apômtau gêlic Israel amboac lau dabun,
Israel kêtû ênê kôm ñamêc.
Lau samob, tañ sen ñamêc tonañ nan, sêwê kain
tôp.
Gêñwapac kêtap êsêac sa.
Apômtaunê binj tau tonec.”

Lau Israel nêñ tamenj nêñ sec

⁴ O gôlôac Jakob to amac gôlôac Israelña samob,
añô Apômtaunê binj.

⁵ Apômtau kêsôm binj tonec gebe
“Amac tamemi têtap ñoc keso ondod sa,
tec sêwi aê sinj ma sêjac jaê aê
ma têdaguc gêñ ñaôma e taunj têtu gêñ ñaôma.

⁶ Êsêac têtu kênac atom gebe
‘Apômtau gêmoea ondod, Apômtau, tañ gêwê aêac
tapi anja Aiguptu tamênj
ma gêwê aêac tamoea gamênj sawa,
tamoea gamênj gasañ, tañ gêsuj gêjam auc nan,
gamênj kelenj to ñakesec,
gamênj, tañ ñamalac tenj kêsa atom ma ñac tenj
gêñgônj atom nan,
gêmoea ondod.’

⁷ Ma aê kakênj amac anğônj gamênj tonom ñalêsi
ñajam
gebe gamênj tau ñaka ñanô to ñagênj ñajam-ñajam
ênğôm amac têmtac ñajam êsa.
Mago gêdênj tañ amac aô lasê gamênj tau su nan,
agôm dabunj tau palin
ma agôm ñoc nomlênsêm kêtû gêñ alôb-alôb.

⁸ Lau dabunjwaga têtu kênac atom gebe ‘Apômtau
gêmoea ondod.’

Êsêac tañ sejop biñsu nan, sêjam kauc aê.
Gejobwaga sêli taun sa gêdên aê
ma propete seoc biñ lasê sêjam Bal lanô
ma sêsap gêñ ñaôma tôñ.

Anôtô kémêtôc nê lau

⁹ “Kêtu tonanña aê kamêtôc amac tec gamoa
ma aê oc jamêtôc nêñm gôlôacnên gôlôac amboac
tonanğen.

Apômtaunê biñ tau tonec.

¹⁰ Alom ana nuc Kuproman ma alic
me asakiñ lau sêna gamên Kedar gebe sêkip biñ
ñam sa ñapep.

Ma alic acgom, biñ amboac tonec kêtap lau ten sa
me masi.

¹¹ Lau samuc nêñ anôtôi ñanô masi,
mago lau-m ten sesen nêñ anôtôi ma sêkên wakuc
sêjô me masi.

Aênoc lau sêkên nêñ Nawasi gêjô gêñ ñaôma.

¹² O undambêac, atakê to alendec
ma atênêp êtu biñ tonanña.

Apômtaunê biñ tau tonec.

¹³ Gebe ñoc lau sêgôm sec luagêc kêpi tagen,
êsêac sêwi aê, tañ katu bumata maten jaliña nan sin
ma sêgawê sê, tañ bu êpoac atom nan.

Israelnêñ tanenpêc ñagêjô

¹⁴ “Israel en gênôma ten me.
Me têna kêkôc en gebe êtu sakiñwaga ten me.
Ma amboac ondoc tec sêjanğo en su.

¹⁵ Lewe sêlic en ma sêkêkwan.

Ac sêkêkwan kapôênanô.

Êsêac sesen ênê gamên su e kêtu gasan

ma ênê malac samob popoc,
lau teñ sêngôn kêtiam atom.

16 Ma teñ gêwiñ gebe lau anga malac Mempis to
Tapane sêkaliñ aôm môkêmlauñ su.

17 Biñ samob tonanñ naj kêtap aôm sa
gebe gôwi Apômtau, aômnêm Anôtô, tan gêwê aôm
nanñ siñ me masi.

18 Ma galoc gobe ôna Aiguptu ma ônôm bu Nil,
oc ênam aôm sa amboac ondoci.

Ma gobe ôna Asuria ma ônôm bu Euprat,
oc ênam aôm sa amboac ondoci.

19 Aôm taôm nêm sec oc êmêtôc aôm.

Aôm gôwi aê siñña oc ênac aôm.

Nêm kauc êsa e ôlic gebe aôm gôwi Apômtau,
aômnêm Anôtô siñ ma kôtêc eñ atom,

nanñ keso to sec nanô.

Apômtau, lausiñ undambêña nêñ Anôtô, kêsôm biñ
tonec.

Israel gedec gebe ênam sakin Apômtau

20 “Aôm kôbaliñ sakinñ jagêñwapac, tan kêsac aôm
nanñ, siñ wanêcgeñ

ma gômô ñalêpoa gêngic

ma kôsôm gebe ‘Aê gadec gebe janam sakinñ.’

Mago anga lôc baliñ samob to anga ka ñalabu samob
aôm kôsa taôm sic jagôêc amboac awê mockaiñña
teñ.

21 Aê tec kasê aôm amboac wain ñamôkê ñajam, tan
tauc kajaliñ sa nanñ,

kasê wain ñasêli ñajamanô teñ.

Amboac ondoci tec gôjam taôm ôkwi kôtu gêñ sec,
kôtu wainbôm teñ.

22 Aôm embe ôkwasiŋ taôm ɲa bu ɲandaŋ to sop kapôêŋ,
oc jalic nễm keso ɲajec ɲapaŋ.
Apômtaunê biŋ tau tonec.

23 Aôm kôtôm gebe ôsôm biŋ tonec amboac ondoc gebe
'Aê gajam ɲoc dabuŋ paliŋ atom, aê kadaguc Bal atom.'

Ôsala nễm lêŋ, taŋ kôsa aŋga gaboan ɲaŋ,
ma ôjala biŋ, taŋ gôgôm ɲaŋ.
Aôm gôjac laoc gamêŋgeŋ kôtôm kamele têna wakuc tobiŋ,

24 taŋ gêbôm kêsa gamêŋ sawa gêja ɲaŋ.
Nalêlôm ɲakalac kêkac eŋ, tec kêsê awa kapôêŋ.
Êndêŋ nê noc eŋ êmoa tobiŋgeŋ ɲaŋ, asa oc êtôm gebe ênam gôliŋ eŋ.

Lau taŋ sesom eŋ ɲaŋ, oc sênam kôm kapôêŋ atom,
êsêac oc têtap eŋ sa êmoa êwiŋ kamele kapoac.

25 Ojop amkaiŋ gebe ôsêlêŋ toatapa masigeŋ atom,
ma ojop nễm koclabeŋ gebe bu êjô aôm atom.
Mago aôm kôsôm gebe 'Aê gadec,
aê têtac gêwiŋ lau jaba
ma oc jandaŋguc êsêacgeŋ.'

Anôtô oc ênac lau Israel

26 "Israelnê gôlôac samob to kiŋ ma nêŋ kasêga to
nêŋ dabuŋwaga ma nêŋ propete
sêmoa tomajeŋgeŋ
têtôm ɲac geŋgeŋ, taŋ sê eŋ lasê ma gêmoa toma-
jageŋ ɲaŋ.

27 Êsêac sêsôm gêdêŋ ka teŋ gebe
'Aêɲoc tamoc aôm.'

Ma sêsôm gêdêṇ poc teṇ gebe

‘Aôm kôkôc aê.’

Gebe êsêac sêbuc dêmôêṇ aê,

laṇôṇaṇô gêdêṇ aê atom.

Mago êndêṇ têm gêṇwapac êtap êsêac saṇa naṇ,

êsêac sêsôm gebe ‘Ôndi ma ônam aêac samaṇ.’

²⁸ Mago nêṁ anôtôi, taṇ taôm kômasaṇ naṇ, sêmoa
ondoc.

Ôjatu êsêac gebe sêndi ma sênam aôm sa êndêṇ têm
gêṇwapac êtap aôm saṇa.

O Juda, nêṁ anôtôi taêsam têtôm nêṁ malacgeṇ.

²⁹ Amac aôc gêdô gêdêṇ aê kêtu asageṇṇa.

Amac samob ali taôm sa gêdêṇ aê.

Apômtaunê biṇ tau tonec.

³⁰ Aê gajac nêṁ gôlôac, mago ṇaṇô masi,

êsêac sêsô mêtôc ṇalabu atom.

Amac taôm nêṁ siṇ gesen nêṁ propete

amboac lewe kêdaṇgôn gwada.

³¹ Amac lau kain teṇ, akêṇ taṇem Apômtaunê biṇ.

Amboac ondoc lau Israel sêlic aê katôm gamêṇ
sawa teṇ

me sêlic aê katôm gêsunbôm teṇ.

Êsêac sêsôm biṇ tonec kêtu asageṇṇa gebe

‘Aêac tauṇ asa ma lêṇ, oc andêṇ aôm awac êtiam
atom.’

³² Awêtaṇ teṇ oc êliṇ nê gêlôn siṇ me masi.

Awê gebe ênam ṇacṇa oc êliṇ nê ṇakwê omṇa siṇ me
masi.

Mago ṇoc lau sêliṇ aê siṇ e ṇabêc maṇgi masi.

³³ “Aôm kôsa nêṁ lêṇ kôtap mockain saṇa tokauc.

Kêtu tonanṇa ôlim gêjac gêṇ sec samob kêtu tôṇ.

³⁴ Lau tan nêḡ biḡ masi nan, nêḡ dec gi nêḡ ḡakwê ḡatali.

Aôm kôṡap êsêac sa têtuc andu popoc atom,

mago gôḡjac êsêac êndu.

Biḡ samob tonan ḡai tec gêc,

³⁵ mago aôm kôsôm gebe

‘Aêḡoc biḡ teḡ gêc atom.

Apômṡaunê têtac ḡandan kêkac tau su anḡa aê.’

Ôlic acgom, aê oc jamêtôc aôm gebe aôm kôsôm gebe ‘Aê gagôm sec teḡ atom.’

³⁶ Ojae, aôm gôḡjam nêḡ lêḡ ôkwi-ôkwi ḡagaôḡen.

Aiguptu oc êḡḡôm aôm majam êsa

êtôm Asuria gêḡôm aôm majam kêsa su.

³⁷ Aôm oc ôwi Aiguptu siḡ amboac tonan

tolêḡmam sawagen

gebe Apômṡau kêtḡiḡ lau, tan aôm taêm kêka êsêac nan su

ma aôm oc ôṡap moasiḡ sa anḡa êsêacnêḡ atom.”

3:1–6:15 Lau Juda sêḡam sakiḡ gwam, tec têtap ḡagêḡo sa ma sêḡanḡa. Êsêac sêkônḡiḡ lau to sêmêtôc êsêac kesogen. Embe sêḡam tauḡ ôkwi atom, oc têtap ḡagêḡo sa. * andu popoc nanḡen, êndu seben (Eks 22:1).

6

Juda to Jerusalem oc sêḡanḡa

¹⁶ Apômṡau kêsôm biḡ tonec gebe

“Naakô intêḡa ḡatali ma alic

ma atu kênac intêḡa andanḡenḡa

e atap intêḡa moasiḡḡa tau sa ma asa intêḡa tau,

* 2:37: Mosenê biḡsu kêḡasaḡ biḡ gebe sêḡac lau, tan têtuc

go atap katôm ñagamên alêwan taômna sa.
Mago êsêac sêsôm gebe 'Aêac adec, oc asa intêna tonan atom.'

17 Ma aê kakên dibwaga gêdên amac, tec sêsôm gebe

'Anô dauc kêtan.'

Mago êsêac sêsôm gebe 'Aêac adec, oc anô atom.'

18 Kêtu tonanña amac tentenlatu anô
ma amac gôlôac, ajala gên, tan êtap êsêac sa nan acgom.

19 O nom, ôñô. Ôlic acgom, aê oc jakên gên sec,
tan kêtu êsêac sêkac tauñ su ñanânô nan, êpi êsêac
gebe êsêac sêkên tanen ñoc bin atom
ma têtin ñoc bin su.

20 Êsêac sêkên gêñmalu anga gamên Seba
ma gêñ ñakana anga gamên jaêcsêga gêdên aê kêtu agenña.

Amacnêm daja kêtôm gebe jakôc sa atom
ma amacnêm da ñagêdô gêjac aê matocanô atom.

21 Tec Apômtau kêsôm bin tonec gebe
'Alic acgom, aê jatoc poc sêndin enkain êpiña êngôn
gebe lau tonec sêndin enkain êpi e semben.

Tamenji to latunji
ma nêñ lau jaban to nêñ sêlêb oc sênaña samob.' "

22 Apômtau kêsôm bin tonec gebe
"Alic acgom, lau-m ten sêmên anga gamên nodonja
ma lau ton kapôên ten dêdi anga nom ñagamên
nodonja
ma lau ton kapôên ten dêdi anga nom ñagamên
jaêcsêgaña.

23 Êsêac sêkôc talam to kêñ.

Êsêac lau wauc-wauctêna to taên walô lau atom.

Êsêacnêṇ ṇakicsêa kêtôm gwêc kêgasim ṇakicsêa.

Êsêac sêṇgôṇ hos ṇaô ma sêsuṇ nêṇ laukasap sa
gebe sênac siṇ êndêṇ aôm, Sion latuo.”

²⁴ Aêac taṇô biṇ tonec ṇawae,

tec lemeṇ kêtû golon

ma nêṇ ṇalêlôm ṇatutuc kêsa,

ṇandanṇ kêtunṇ aêac amboac ṇapalê kêtunṇ awê teṇ.

²⁵ Ana kôm atom, asêlêṇ amoa intêna atom

gebe ṇacjonê siṇ gebe enseṇ amac su

ma gêṇ ṇaclai sec êtakê amacṇa gêjam gamêṇ auc.

²⁶ “O ṇoc lau latunṇio, ôsô talu sa

ma ônsambi sa ônsac wao.”

Ôpuc taṇiboa sa amboac ṇac teṇ, taṇ gêjam taê tau
kêtû nê latu tagenṇa.

Ôtaṇ ṇanôgeṇ

gebe ṇac-enseṇ-gêṇ-suwaga oc mênêpi aêac sep
tagenṇ.

²⁷ “Aê kakêṇ aôm gebe ônsaê to ônam dôṇ ṇoc lau

gebe ôjala to ônsaê êsêacnêṇ lêṇ.

²⁸ Êsêac samob sêli taunṇ sa togêsunṇtêkwa ṇatonṇenṇ.

Êsêac sêjac laoc gamêṇgeṇ ma sêga biṇ kêpi lau.

Êsêac têtôm ki jonjonṇ to ki jejec.

Êsêac samob sêgôm sec.

²⁹ Êsêac sêguc ṇajaṇa sec gebe ja elom,

mago ki bobobgeṇ kêsa anṇa ja gêmêṇ.

Êsêac sêgôm elêmê,

mago têtôm gebe têtinṇ lau sec su atom.

30 Sêsam lau sec gebe silberbôm, gebe Apômtau kêtiŋ êsêac su.” * † silber sa atom, têtap ki bobobgeŋ sa, ma propete gêjam dôn lau sec kêpi ki bobob tau.

7

Amêtôc nêl lêt to nêl kôm

1 Biŋ taŋ Apômtau kêkêŋ gêdêŋ Jeremia naŋ, tonec gebe

2 “Naôkô Apômtaunê andu ŋasacgêdô ma ôsôm biŋ tonec lasê aŋga ônê gebe Amac lau Judaŋa samob, taŋ asô sacgêdô tonec amêŋ gebe atêŋ mec êndêŋ Apômtau naŋ, aŋô Apômtaunê biŋ.

3 Lausiŋ undambêŋa nêŋ Apômtau, Israelnêŋ Anôtô, kêsôm biŋ tonec gebe Amêtôc nêl lêt to nêl kôm, go aê jakêŋ amac aŋgôn gamêŋ tonec.

4 Taêm êka biŋdansaŋ tonec gebe ‘Apômtaunê lôm dabuŋ tau tonec, Apômtaunê lôm dabuŋ tau tonec, Apômtaunê lôm dabuŋ tau tonec,’ nec atom.

5 “Mago amac embe amêtôc nêl lêt to nêl kôm ŋanôgeŋ ma embe amansaŋ nêl biŋ ŋasawaŋa ŋanôgeŋ awiŋ taôm,

6 embe akônîŋ lau jaba to mosêbu ma awêtuc atom ma embe akêc lau tobiŋmê nêŋ dec siŋ aŋga gamêŋ tonec atom ma embe andanguc anôtôi jaba, taŋ senseŋ amac su anaŋa naŋ atom,

7 go jakêŋ amac aŋgôn gamêŋ tonec, aŋgôn nom, taŋ kakêŋ wanêcgeŋ gêdêŋ tamemi gebe êtu nêŋ gamêŋ endêŋ tôngeŋ naŋ.

* **6:30:** Nalô Nôc Lau Latuŋio kêkanôn malac Jerusalem. † **6:30:** Êsêac sebe sêpac silber êwê e êtu selec, mago têtap

⁸ “Mago alic acgom, amac taêm kêka biñdansaŋ, taŋ gêjam amac sa atom naŋ.

⁹ Amboac ondoci amac abe anam genjen to anac ŋamalac êndu ma aŋgôm gêŋ mockaiŋo to mockaiŋa ma atôc lememe biñdansaŋa ma akêŋ da gêŋmaluŋa êndêŋ Bal to andanŋuc anôtôi jaba, taŋ aŋam kauc êsêac naŋ.

¹⁰ Su, gocgo amêŋ akô aê laŋôcnêmŋa aŋga andu tonec, taŋ sê ŋoc ŋaê kêpi naŋ, ma asôm gebe ‘Galoc tamoa ôliŋ samuc.’ Asôm su, go aŋgôm gêŋ alôb-alôb samob tonanŋ ŋai êtiam me.

¹¹ Amboac ondoci amac alic andu, taŋ sê ŋoc ŋaê kêpi naŋ, kêtû kêjaŋgowaganêŋ gêsunŋ me. Biŋŋanô, aê tauc galic amboac tonanŋ. Apômtaunê biŋ tau tonec.

¹² Galoc ana ŋoc maloc, taŋ gêc Silo naŋ acgom. Alic gamêŋ, taŋ kêtû ŋoc ŋaê ŋaandu ŋamataŋa naŋ. Alic gêŋ, taŋ gagôm gêdêŋ gamêŋ tau kêtû ŋoc lau Israel nêŋ secŋa naŋ acgom.

¹³ Ma galoc amac agôm sec samob tonanŋ ŋai ma akêŋ taŋem gêdêŋ taŋ kasôm biŋ gêdêŋ amac gamoa naŋ atom ma alôc gêdêŋ taŋ gamôêc amac naŋ atom,

¹⁴ tec jaŋgôm andu, taŋ sê ŋoc ŋaê kêpi ma amac taêm kêka naŋ, to gamêŋ, taŋ kakêŋ gêdêŋ amac to tamemi naŋ, êtôm gagôm gêdêŋ Silo.

¹⁵ Aê oc jatiŋ amac su gebe jalic amac êtiam atom, êtôm katiŋ nême tawanŋ, Epraimnê wakuc samob su. Apômtaunê biŋ tau tonec.

Launêŋ taŋeŋpêcŋa

¹⁶ “Ma aôm, Jeremia, oteŋ mec êtu lau tonanŋa atom. Awam ênac aê ma nême mec êndêŋ aê êtu

êsêacŋa atom. Ônam nenenŋ aê êtu êsêacŋa atom gebe aê oc jakêŋ taŋoc aôm atom.

¹⁷ Aôm gôlic gêŋ, taŋ êsêac sêgôm aŋga malac Judaŋa to aŋga intêna Jerusalemŋa naŋ, atom me.

¹⁸ Gôlôac ŋasec-ŋasec sejoŋ ka masê sa ma tamenŋi sêgôm ja gelom, go lau sêgamuc polom gebe sêpac polom êtu undambê ŋatauŋa. Ma êsêac sêkêŋ wain kêtû da gêdêŋ anôtôi jaba gebe sêgôm aê têtac ŋandaŋ êsa.

¹⁹ Apômtau kêsôm gebe Amboac ondoci sêgôm aê têtac ŋandaŋ kêsa me. Oc masi, sêgôm taŋ têtac ŋandaŋ kêsa e sêlênsôn taŋ secanô.

²⁰ Kêtu tonanŋa Apômtau Anôtô kêsôm gebe Alic acgom, aê jakêc ŋoc têtac ŋandaŋ to ŋoc têtac kêbôli auc siŋ wacêpi gamêŋ tonanŋ, êpi ŋamalac to bôc ma ka aŋga kôm to gêŋ ŋanô nomŋa. Ŋoc têtac ŋandaŋ oc êniŋ gêŋ amboac ja ma ŋac teŋ êtôm gebe êsi êmacŋa atom.”

²¹ Lausiŋ undambêna nêŋ Apômtau, Israelnêŋ Anôtô, kêsôm biŋ tonec gebe “Akêŋ nêmi daja to nêmi da ŋagêdô êpi tagenŋ ma taôm aniŋ nêmi gêŋ.

²² Gebe gêdêŋ taŋ gawê tamemi sêsa aŋga Aiguptu sêmêŋ naŋ, aê kasôm biŋ teŋ kêtû daja to da ŋagêdôŋa gêdêŋ êsêac atom ma kajatu êsêac kêtû sêkêŋ daŋa atom.

²³ Mago kakêŋ biŋsu tonec gêdêŋ êsêac gebe “Taŋem wamu aê, go jatu nêmi Anôtô ma amac atu ŋoc lau. Ma asa lêŋ samob, taŋ kajatu amac naŋ, gebe amoa ŋajam.’

²⁴ Mago êsêac taŋenŋ wamu to sêkêŋ taŋenŋ aê atom. Êsêac sêsa nêŋ lêŋ kêtôm nêŋ ŋalêlôm sec kêkac êsêac. Êsêac laŋôŋanô gêdêŋ aê atom, sêbuc

dêmôênj aê.

²⁵ Gêdênj bêc, tanj amac tamemi sêsa anja Aiguptu sêmênj e mênjgêdênj galoc nanj, aê kasakinj njoc sakinjwaga propete gêdênj êsêac gamoa e njabêc mangi masi.

²⁶ Mago êsêac tanjenj wamu to sêkênj tanjenj aê atom. Êsêac gêsuntêkwa njatonj ma sêgôm sec kêlêlêc tamenj su.

²⁷ “Amboac tonanj ôsôm binj samob tonanj êndênj êsêac, mago êsêac oc sêkênj tanjenj aôm atom. Aôm oc ômôêc êsêac, mago êsêac oc sêlôc atom.

²⁸ Ma aôm oc ôsôm êndênj êsêac gebe ‘Lau-m tonec tec tanjenj wamu Apômtau, êsêacnênj Anôtô, awa atom ma sêsô ênê mêtôc njalabu atom amboac tonanjenj. Binjanô gêjaña, gêjac tau gêngic anja êsêac awenjsunj.

Sêgôm genj sec anja gaboanj Benhinonja

²⁹ “Ôkapij mômêmlauj ma ômbalinj sinj.

Ôpuc tanjiboa sa anja lôc
gebe Apômtau kêtinj gôlôac, tanj ênê têtac njandan
kêpi êsêac nanj su
to gêwi êsêac sinj.’ ”

³⁰ Apômtau kêsôm gebe “Juda latui sêgôm sec gêjac aê matocanô atom. Êsêac sêkênj nênj gênj alôb-alôb kêkô andu, tanj sê njoc njâê kêpi nanj, njâlêlôm gebe sêngôm andu tau njadabunj palinj.

³¹ Êsêac sêkwê gamênj njabau Topetja sa anja gaboanj Benhinon gebe sêkênj latunjio to njac sêsa ja têtû da. Aê kajatu binj amboac tonanj gêdênj êsêac tenj atom ma taêc gêjam binj amboac tonanj gec njoc kauclêlôm tenj atom amboac tonanjenj.”

³² Tec Apômtau kêsôm gebe “Ôlic acgom, ñanoc kêdabin gebe sêsam gamên tonañ Topet me gaboañ Benhinon êtiam atom, sêsam gamên tau gebe gaboañ sesen ñamalac suña. Ma Topet êtu gamên sêôña gebe gamên ñasawa sênsuñ ñacmatêña ten oc ênêc atom.

³³ Ma lau tonec nêñ ñawêlêlan êtu moc umbon ñalabuña to bôc nomña nêñ gwada ma ñac ten oc ensoc êsêac sêc su anga tônê atom.

³⁴ Ma aê jañgamin têtû samuc to têtac ñajam ñakicsêa ma ñac-gebe-ênâm-awêwaga to awê gebe ênam ñacña nêñ awen ñaonda anga malac Judaña samob ma anga intêna Jerusalemña gebe gamên tau oc êtu gasañ.”

8:1–9:9 Anôtônê jaen ñagêdô kêtû launên secña ma ñagêjô, tê gêjac êsêac ñawae nê, ñabin gêc ñasêbu tonec.*

9

Mêtoç kêpi Juda

¹⁰ Aê kasôm gebe “Aê jabe jatan êtu lôcña ma ñoc taniboa êsa êtu gamên gêgwan-gêgwanña gebe gên tau ñakelen kêsâ ma ten kêsêlên kêsâ gamên tonañ gêja atom. Tanô bulimakao ñakicsêa kêtiam atom. Moc to bôc salenña sêc êlin-êlin sêja su.”

¹¹ Apômtau kêsôm gebe “Aê oc jatuc Jerusalem popoc êlin-êlin êtu lênduc, êtu kêambôm nêñ gamên. Ma janam Judanên malac ôkwi êtu gamên sawa, tan lau ten sêmoa atom nan.”

* 7:34: Undambê ñatauo en anôtôo jaba ten.

¹² Aê katu kênac gebe “Apômtau, kêtû asagenña gamên e popocgen ma ñakelen amboac gamên sawa ma ñamalac ten kêsêlên kêsá tonan atom. Asa ñac tokauc gebe êjala gên tonan. Aôm gôwa bin tau sa gêdên asa gebe êsôm lasê êndên lau ñagêdô.”

¹³ Apômtau gêjô bin tau gebe “Gên tonan ñanô kêsá ñam gebe aênoc lau sêwi bin, tan kadôn gêdên êsêac nan sin. Êsêac tanen wamu gêdên aê me sêgôm bin tau, tan kasôm gêdên êsêac nan, ñanô kêsá atom.

¹⁴ Masigoc, êsêac gêsuntêkwa ñaton ma sêjam sakin anôtô Bal nê ñakatu kêtôm nêñ tamenjî têdôn êsêac.

¹⁵ Amboac tonan anô bin, tan aê Apômtau ñajanña ñatau, lau Israel nêñ Anôtô, gabe janngôm nan acgom. Aê gabe jakên gên ñamakic êndên ñoc lau sênin ma jakên bu ñamalic êndên êsêac sênôm.

¹⁶ Aê oc jansen êsêac êlin-êlin sêsêp tentenlatu ñalêlôm. Êsêac to tamenjî sênô êsêacnên ñaê gêmun su atom nan, ma gabe jasakin ñacjo toton-toton dêndên êsêac sêna e jansen êsêac su sênam samucgen.”

Lau Jerusalem sêmoêc gebe sênam êsêac sa

¹⁷ Lausin undambêña nêñ Apômtau kêsôm gebe “Taêm ênam gên, tan ñanô kêsá nan. Amôêc tanjipalêo sêmên.

Amôêc êsêac lau abec sêmên.”

¹⁸ Lau tau sêsôm gebe

“Ôsôm êndên êsêac gebe sêmên ñagaôgen ma têtan tanjiboa êtu aêacña.

Têtan e maten sulu bôlôb-bôlôbgen ma matengasi ñawambu êsa.”

19 Akêñ tañemmanñ. Tañiboa ñakicsêa aña Sion gebe

“Aêac abac su.
Aêac majen kêsá samucgen
kêtu awi ma gamêñ sinña
ma sesen ma andu su gêjaña.”

20 Aê kasôm gebe
“Amac lauo, akêñ tañem Apômtau awa
ma aña ênê biñ.

Andôn tañiboa êndên nêl latômio
ma nêl tawanñ jawê tañiboaña.

21 Gebe gêmacanô tau kêsô aêacma andu ñakatam saun

ma kêsô aêacma laumata nêñ andu gêmên.
Gêmacanô gêjac ñapalêo to ñac aña malac ñaintêna
ma lau wakuc aña malaclun.”

22 Ôsôm gebe
“Apômtau kêsôm amboac tonec gebe
Launên jawêlêlan salin-salin gêjam gamên aucgen
amboac bôcnê tac, tañ sêpalip gêjam kôm auc.
Ma amboac polom ñanô, tañ lau sêjanğowaga sêwi
sin nan,
ma lau ten sejon sa atom.”

23 Apômtau kêsôm gebe
“Kwalam lanğwa etoc tau sa êtu nê kaucña atom
ma ñac ñactêkwa êtu nê ñaclainja gebe atom,
ma ñac tolêlôm êtu nê awaña atom.

24 Embe ten taê ênam gebe etoc tau sa
go etoc tau sa gebe gêlic to kêjala gebe Aê Apômtau
gebe aênoc têtac gêwin gêc geden tônğen
ma gên, tañ gagôm nan, gêdên to solop.
Gên tonan aê galic ñajam.
Aê, Apômtau tau, kasôm biñ tonan.”

9:25–13:27 ñasêbu tonec kêpuc boa sakin gwamña to kêsôm bin kapoac walôña lasê ma kêkên puc lau gebe Apômtau oc êmoatin poac êndên nê lau. Anôtô kêkên puc Jeremia gebe lau sêkic ênê bin ma Apômtau kêpô lêna ñanô kêtû nê lauña. Apômtau agêc Jeremia sêlên bin lau gebe tetoc tauñ sa ma sêngôm sec atom.

14

Oc kêsêgô gamên

¹ Apômtau kêsôm gêdên aê, Jeremia, kêtû oc kêsêgô gamênña gebe

² “Juda gêjam abec

nê malac sêmasan binña kêtû gasan
ma nê lau sêc nom tonên ñalêlôm ñawapacgen
ma Jerusalem gêmôêc gebe sênam en sa.

³ Lau towae sêsakin nêñ sakinwaga kêtû têtê buña.

Êsêac sêja bumata,
mago têtap bu sa atomanô.

Êsêac sêmu sêmên tonên bulakôp sawagen.

Êsêac majen ma kauc kêlêsoþ,
tec sêsan lanñanô auc.

⁴ Kom gêjac atom

ma nom ñakelen kêsa lanwgagen.
Lau-sêkalin-nomwaga sêmoa tomajengen,
tec sêsan nêñ lanñanô auc.

⁵ Mojawa têna gêwi nê ñalatu wakuc sin
anğa kôm gebe gêgwan masianô.

⁶ Donkibôm sêkô gamên ñabau selec-selec
ma imbelen olec-olecgen amboac kêambôm.

Êsêacnên matenânô kêtû malô gebe gen sêninña
masi.

7 “Aênjoc lau sêmoêc gêdênj aê gebe
‘O Apômtau, aêacma sec geoc aêac lasê,
mago ônam aêac sa êtu aômnmênj aênj.
Aêac akac tauj su anja aômnmênj kêtuj dim taêsam.
Aêac agôm sec gêdênj aôm.

8 Aôm taômgenj, tec lau Israel sêkênj matenj.
Aôm taômgenj kôtôm gebe ônam aêac sa êndênj gênj
ensenj aêacnj.

Kêtuj asagenja gômua ma gamênj amboac njacjaba
tenj

amboac njaclenj tenj, tanj gômua gêbêc tagenj nanj.

9 Kêtuj asagenja aôm gômua amboac njac, tanj gênj tenj
kêtakê enj nanj, amboac sinjwaga tenj nê njacjai
masi gebe ênam sanja nanj.

O Apômtau, aôm gômua gôwinj aêac.

Sê aômnmênj njê kêpi aêac. Ôwi aêac sinj atom.’ ”

10 Apômtau kêsôm binj tonec kêkanônj lau tonanjanja
gebe “Êsêac têntac gêwinj gebe sêlêti sejo sêja-sejo
sêja ma sêjam gôlinj nênj enjkainj atom. Amboac
tonanj aê galic êsêac gêjac aê matocanô njam atom.
Aê gabe taêc ênam êsêacnênj geo, tanj sêgôm nanj,
njanj ma jakênj njagêjô êtu nênj secnj.”

Tôbôm njawae

11 Apômtau kêsôm gedenj aê gebe “Otenj mec êtu
lau tonec sêmoa njamjanja atom.

12 Êsêac sêjam dabunj mo, mago aê gabe janjô
êsêac awenj atom. Êsêac sêkênj daja to da kelenj,
mago aê gabe jakôc da tau sa atom. Aê gabe jansenj
êsêac su nj sinj to tôbôm ma gêmac sec.”

13 Go aê kasôm gebe “Ojae, Apômtau Anôtô, ôlic
acgom, propete sêsôm gêdênj êsêac gebe ‘Amac oc

alic sinj atom ma oc aôc tôbôm atom. Aê oc jakênj amac anjôn gamênj tonec towamagenj napanj.’ ”

¹⁴ Ma Apômtau kêsôm gêdênj aê gebe “Propete tonanj seoc binj dansanj lasê sêjam aê lanjôc, nanj aê kasakinj êsêac atom ma aê kajatu êsêac atom to kasôm binj gêdênj êsêac atom. Êsêac seoc njakatu dansanj to binj njaôma ma dansanj, tanj êsêac taunj nênj njalêlôm taênj gêjam nanj, lasê gêdênj amac.

¹⁵ Amboac tonanj tec Apômtau kêsôm binj tonec kêkanônj propete tau gebe Propete, tanj kasakinj êsêac atom, mago seoc binj lasê sêjam aê lanjôc ma sêsôm gebe ‘Sinj to tôbôm oc êtap gamênj tonec sa atom’ nanj sinj to tôbôm tau oc ensenj êsêac su sênanja.

¹⁶ Ma lau, tanj propete seoc binj lasê gêdênj êsêac nanj, sinj to tôbôm oc ensenj êsêac su ma sêmbalinj êsêac sinj sênêc intêna Jerusalemja ma njac tenj êmoa gebe ênsunj êsêac to nênj lauo ma nênj latunjio to njacnja atom. Gebe aê gabe jansêwa êsêac taunj nênj sec naêpi êsêac taunj.

¹⁷ “Aôm ôsôm binj tonec êndênj êsêac gebe
‘Matocsulu enselenj êtôm êmbêc to elenjenj,
enselenj ma êpa atom
gebe sêjac njoc lau latunjio, awêtakinj tau, e kêtap
kamoc kapônênj sa.

Sêjac enj secanô.

¹⁸ Aê embe jasa kôm jana, oc jalic njacmatê, tanj sinj gesenj êsêac su nanj.

Ma embe jamênj malac, oc jalic lau togêmac tôbômja.

Propete to dabunjwaga sêjac laoc gamênjenj
ma sêpô lêna kauc sênam lau sanja.’ ”

Lau teter Apômtau ñanôgen

¹⁹ Aôm kôtiñ Juda su samucgeñ me.

Aôm ôlim ñakam gêdêñ Sion me.

Amboac ondoci tec gôjac aêac

kêtom gebe ôlin ñajam êsa êtiam atom nec.

Aêac akêñ materñ têm ôlin ñajam êsaña,

mago gêñ êtakê aêacñagenñ mênkêsa.

²⁰ O Apômtau, aêac ajala ma sec to tamenjinêñ keso gebe aêac agôm sec gêdêñ aôm.

²¹ Ôtiñ aêac su atom êtu nêm ñaêña

ma ôngôm nêm lêpôn ñawasi ñawae êtu sec atom.

Taêm ênam nêm poac, tañ kômoatiñ gêdêñ aêac nañ, ma onseñ su atom.

²² Tentenlatunêñ anôtôi jaba têtôm gebe sêkêñ kom ênac me.

Me undambê kêtom gebe êngôm kom ênsêwa me masi.

O Apômtau Anôtô, aôm taômgeñ kôtôm.

Aêac akêñ materñ aôm taômgeñ

gebe aôm gôgôm gêñ samob tonañ ñai ñanô kêsa.

15

Apômtau têtac ñandan sec gêdêñ Juda

¹ Go Apômtau kêsôm gêdêñ aê gebe “Mose agêc Samuel embe sêkô aê lanôcnêmña, aêñoc ñalêlôm oc ênam tau ôkwi êndêñ lau tonec atom. Onsoc êsêac sêc su anga aê lanôc-anôña ma sêc sêna.

² Ma êsêac embe têtû kênac aôm gebe ‘Aêac ana ondoci,’ go ôsôm êndêñ êsêac gebe Apômtau kêsôm biñ tonec gebe

Lau tañ gêmac sec gêjac êsêac ñawae nañ, sêndêñ gêmac sec sêna.

Ma lau, taŋ siŋ gêjac êsêac ɲawae naŋ,
sêndêŋ siŋ sêna.

Ma lau, taŋ tôbôm gêjac êsêac ɲawae naŋ,
sêndêŋ tôbôm sêna.

Ma lau, taŋ kapoacwalô gêjac êsêac ɲawae naŋ,
sêndêŋ kapoacwalô sêna.”

³ Apômtau kêsôm gebe “Aê jajaliŋ gêŋ ensen êsêac
suŋa aclê sa, siŋ gebe ênac êsêac, kêam gebe sêkac
êsêac popoc, moc umbon ɲalabuŋa to bôc nomɲa
gebe sensen to sêdanğon êsêac.

⁴ Ma aê janğôm êsêac têtû gêŋ êtakê nom ɲagamêŋ
kiŋɲa samobɲa, kêtû Judanêŋ kiŋ Hiskia latu Man-
ase nê sec, taŋ gêgôm aŋga Jerusalem naŋɲa.”

⁵ Apômtau kêsôm gebe

“O Jerusalem, asa oc taê walô aôm.

Ma asa êtaŋ aômɲa.

Asa ênac aôm kêsi
gebe êtû kênac gebe aôm gômoa amboac ondoci.

⁶ Aôm kôtiŋ aê su.

Aôm kôkêŋ dêmôm aê.

Amboac tonan aê kamêtôc lemoc ma gasen aôm su
gebe aê ôlic ɲakam kêsa gebe taêc walô aôm.

⁷ Aŋga malac tonec ɲagamêŋ samob

aê katiŋ amac adêŋ mu amboac gêŋ ɲapaôma.

Aê gasen aênoc lau amac su.

Aê gajac nêŋ ɲapalêo to ɲac êndu gebe awi nêŋ lêŋ
sec siŋ atom.

⁸ Awêtuc aŋga nêŋ gamêŋ ɲanamba

kêlêlêc ganac gwêcɲa su.

Aê gajac nêŋ lau matac, taŋ sêmoa tonac lai nan
êndu

ma gagôm nêŋ teneŋi sêôc gêŋwapac.

Aê gajac êsêac sep tagen ña gêñwapac e selendec ñanô.

⁹ Ñapalê 7, tan sêjaña nan, tenenji mata kêlô ma kêsi de sec.

Nê oc ñawê gêjam tau ôkwi kêtú ñakesec.

En maja kêsa-ma gêmoa towaemêgen.

Aê gabe jakêñ nêñ ñacjo sêñac amac,

tan gacgen amoa matem jali nan, ña sinj.

Aê Apômtau tau, kasôm binj tonanj.”

Jeremia kêtanj gêdênj Apômtau

¹⁰ Ijoc aêma. O tinoc, kôkôc aê o wagenj. Lau gamênj tonecña samob sêlic aê amboac kisamôkê to kalomtêna. Aê kakêñ mone kêtú tốp gêdênj ñac tenj atom ma katenj gêñ tenj anja ñac tenjêñ atom, mago samob sêpuc boa aê.

¹¹ O Apômtau, embe aê janam sakinj aôm ñajam atom ma embe aê jatenj gêñ kêsi-kêsigenj êtu ñoc soño-soño, tan sêmoa gêñwapac to sêpô lêna ñalêlôm nanj atom, go êsêacnênj binj sêpuc boa aêña ñanô êsamanj.

¹² Tenj êtôm gebe êpônj ain, ain anja gamênj gêmu kêsêpña (nodonja), tan sêgalunj gêwinj bras nanj, tulu me. Oc masi samucgenj.

¹³ Apômtau kêsôm gêdênj aê gebe “Aê gabe jasakinj ñacjo gebe sêjanjo amacnêñ awa to gêlônj ñajam-ñajam su gebe êjô nêñ sec, tan agôm kêtôm gamênj samobgenj nanj.

¹⁴ Aê gabe jakêñ amac anam sakinj nêñ ñacjo anja gamênj, tan ajam kauc nanj, gebe aê têtac ñandanj kêtôm ja, tan gelom gedenj tôngenj nanj.”

¹⁵ Go aê kasôm gebe “O Apômtau, aôm kôjalagac. Taêm ênam aê ma ônam aê sa. Ôkênj ñagêjô êndênj

lau, tan sêlêsu aê nan. Ôê kanôn êsêac e sênac aê êndu nec atom. Taêm ênam gebe êsêac sêsôm bin kêsî-kêsigen kêpi aê kêtû aômnmê nêa.

¹⁶ Aômnmê bin gêoc nêc nêlêlôm tô. O Apômtau, lausî undambêa nê Anôtô, nê bin gêgôm aê têtac nêam kêsa ma ôlic kêpi-kêpigen.

¹⁷ Aê gangôn gawî lau ômacna ma katu samuc gawî êsêac atom. Aôm lêmam kêkanôn aê, tec gamoa nêc lêtêgen ma nê têtac nêand gêjam aê auc.

¹⁸ Kêtû asagenêa gêwêpac kêkônî aê gêmoa. Kêtû asagenêa lau sêjam aênêc kamoc sa kêtôm atom. Kêtû asagenêa aênêc kamoc gemo atom. Aôm gobe ôngôm aê amboac bu, tan nêkelen kêsa gêdên têm oc kêsan nan me.”

¹⁹ Apômtau gêjô bin tonan amboac tonec gebe “Aôm embe ômu ôndên aê ômôn, go jakêc aôm sa êtiam ma aôm ôtu aênêc sakîwaga êtiam. Aôm embe ôsôm bin nan ten, bin agwa-agwa atom, go aôm ôtu nêc propete êtiam. Lau oc sêmu dêndên aôm sêwac, tec aôm ôndên êsêac ôna atom.

²⁰ Aê oc jakên aôm ôtu tunbôm bras nêana êndên êsêac. Êsêac oc sênac sî êndên aôm, mago sêku aôm tulu atom. Aê gabe jamoa jawî aôm ma japuc aôm tô to janam aôm sa.

²¹ Aê oc janam aôm kêsi anga lau sec to alôb-alôb nê nêclai. Aê Apômtau tau, kasôm bin tonan.”

16:1–17:27 Lau Juda sêana napuc kêsêp nêsêbu tonec. Jeremia keten mec gebe Apômtau ênam en sa ma Anôtô gêjac bîsu lau gebe sênam dabu om sabat.

18

¹ Bin tanj Apômtau kêsôm geden Jeremia nan, tonec gebe

² “Ôndi, ôsêp njac-kêpac-kuwaga nê andu ôna. Aê gabe jasôm bin êndên aôm ônjô anga tônê.”

³ Tec aê kasêp njac-kêpac-kuwaga nê andu gaja ma njac tau gêjac ku gêmoa.

⁴ Ma ku, tanj enj gêjac nj nom nan, kêtû sec anga enj lêma, tec enj gêjam nomku tau ôkwi kêtû ku wakuc tenj kêtôm lau-sêpac-kuwaga nênj mêtê.

⁵ Ma Apômtaunê binj gêdênj aê gebe

⁶ “O gôlôac Israel, aê katôm gebe jangôm amac êtôm njac-kêpac-kuwaga gêgôm nomku atom me.” Apômtau kêsôm gebe “O gôlôac Israel, alic acgom, amac asêp aê lemoc kêtôm nomku kêsêp njac-kêpac-kuwaga lêma.

⁷ Êndênj njasawa tenj oc jasôm êtu tônj êpi lau-m tenj me gamênj kinja tenj, gebe jambuc êsêac sa to jakôninj êsêac ma jansenj êsêac su.

⁸ Mago lau, tanj kasôm binj kêpi nan, embe sêkac tauj su anga sec, go aê janam gênj sec, tanj gabe jangôm êndênj êsêac nanj ôkwi.

⁹ Ma êndênj njasawa tenj aê jasôm êtu tônj êpi lau-m tenj me gamênj kinja tenj gebe jakwê sa to jasê.

¹⁰ Mago êsêac embe sêngôm sec ênêc aê lanjôcnêmja ma sêkênj tanjenj aê aoc atom, go aê janam gênj njam, tanj gabe jangôm êndênj êsêac nanj ôkwi.

¹¹ Amboac tonanj tec ôsôm êndênj lau Juda to êndênj êsêac, tanj sêngônj Jerusalem nanj, gebe ‘Apômtau kêsôm binj tonec gebe Alic acgom, aê kamasanj lênj gêjwapac ensenj amac sunja ma taêc

gêjam lêñ janac amacña. Amboac tonañ amac samob anam taôm ôkwi anğa nêñ sec to amêtôc nêñ lêñ to nêñ kôm êtu solop acgom.’

12 “Mago êsêac oc sêsôm gebe ‘Bin tonañ ñanô masi. Âêac oc andanguc tañ ma têtac gêwiñ ma aêac samob oc angôm bin, tañ ma ñalêlôm ñadani êkac aêacña nañ, ñanô êsa.’ ”

13 Kêtu tonañña Apômtau kêsôm bin tonec gebe “Atu kênac tentenlatu, êsêac oc sêñô bin amboac tonañ me masi.

Awêtakiñ Israel gêgôm gêñ secsêga tenj.

14 Lebanon ñasno oc êwê e êñaña anğa poctêna Sirion me.

Me bu lôcña, tañ keselenj toñalucgenj nañ, oc êpa me.

15 Mago ñoc lau sêlinj aê sinj.

Êsêac sêkêñ da ñamalu gêdêñ anôtô dansañ.

Êsêac sêoc seso anğa nêñ intêna,

tañ gêmunjenj sêjam nañ,

ma sêsa intêna ñamagêña, sêsa intênasêga atom.

16 Êsêac oc sêngôm nêñ gamêñ êtu gasañ

ma lau sêsu susu endenj tôñgenj.

Ma lau samob, tañ sêwê sêna sêmêñ nañ têtakê ma têtaiñ gêsuj.

17 Âê jansenj êsêac êlinj-êlinj anğa ñacjo lanôñnêmña amboac mu kelelo ka ñalaunj êlinj-êlinj.

Êndêñ têm gêñwapacña nañ,

aê oc jatôc lanôcanô êndêñ êsêac atom, jambuc dêmôêc êsêac.”

Lau sêkic Jeremianê binj

18 Go êsêac sêsôm gebe “Ajôc, takic Jeremianê binmanj gebe enj embe êmoa atom, mago dabunwaga oc êpô lêna binju atom ma ñac tokauc

êpô lêna binj ênam lau saña atom ma propete êpô lêna binj eoc lasêña atom. Ajôc, takênj tanjenj ênê binj samob napepgeñ gebe tanac lakô enj ña tau nê binj.”

Jeremianê mec

¹⁹ O Apômtau ôkênj tanjam aê
ma ôñô ñoc tanjiboa.

²⁰ Sec êjô ñajam oc êtôm me.

Êsêac sêkwê sê kêtû aêña.

Taêm ênam gebe kakô aôm lanjômnêmña
gebe jasôm binj ñajam êndênj aôm êtu êsêacña
gebe janam aôm têmtac ñandanj ôkwi anja êsêacnênj.

²¹ Amboac tonanj ôkênj nêñ gôlôac ñasec-ñasec sêôc
tôbôm.

Ôkênj êsêac sêndênj sinj ñañaclai.

Ôkênj nêñ lauo têtû lauo kapoac to awêtuc
ma nêñ ñacwaga têtap gêmac sec sa e sêmac êndu.

Ma nêñ lau matak sênac sinj e sinj ensenj êsêac su.

²² Êndênj tanj aôm ôsakinj kêjanjgowaga têtap êsêac sa
sep tagenj nanj,

tanjiboa êpi anja nêñ andu samob.

Gebe êsêac sêkwê sê gebe aê jasêp ma sêwa lakô
gebe ênac aê.

²³ O Apômtau, mago aôm kôjala nêñ binj samob, tanj
sêkic kêtû aêña nanj.

Ôsuc êsêacnênj keso ôkwi atom

to ômbunj êsêacnênj sec su anja lanjômnêmña atom.

Ôkênj nêñ ñacjo sêku êsêac tulu sênêc aôm
lanjômnêmña.

Sêndac aôm êndênj têm têmtac ñandanjña.

19

Bin tan ku popoc kêdôn nan

¹ Apômtau kêsôm bin tonec gebe “Ôna ma ônam ôli ku ten, tan sêpac na nom nan. Go ôkôc launên laumata ngagêdô to dabunwaga langwa ngagêdô

² ma ôsa gaboan Benhinonja, tan gêc Sacgêdô Kusaboacna nan, ôna ma ôsôm bin, tan oc jasôm êndên aôm nan, lasê anga tônê.

³ Ôsôm gebe ‘O amac kin Judaña to amac lau, tan angôn Jerusalem nan, akên tanem Apômtaunê bin. Lausîn undambêna nê Apômtau, Israelnên Anôtô, kêsôm gebe Alic acgom, aê oc jakên gêwupac kain ten, tan ensen gamên tonan su nan, ma lau samob, tan sênô bin tonan jawae nan, oc têtakê sec.

⁴ Lau sêwi aê sin ma sêgôm gamên tonec kêtu sec gebe sêkên da gêmaluņa gêdên anôtôi jaba, tan êsêac to êsêac tamenji ma kin Judaña sêjam kauc nan, anga gamên tau. Ma êsêac sêkêc lau tobinmê nê dec sin e gêjam gamên tau auc.

⁵ Ma êsêac sêboa altar sa kêtu Balja gebe sêkên latunji sêsa ja têtû daja êndên Bal. Aê kajatu bin tonan ma galôc sa atom ma bin amboac tonan taêc gêjam gêc nêc kauclêlôm atom.

⁶ Kêtû bin samob tonan najna Apômtau kêsôm gebe Alic acgom, bêc oc mênêsa, go sêsam gamên tonan gebe Topet me gaboan Benhinonja êtiam atom, sêsam gamên tau gebe Gaboan sêjac namalac ênduņa.

⁷ Ma anga gamên tonan aê gabe jansen bin, tan Juda to Jerusalem sêmasan nan, su ma jakên nê launên nacjo sênac êsêac êndu na sin to jakên êsêac sêsêp lau, tan sêkic êsêacnên bin nan lemen. Aê oc

jakêñ nêñ ñacmatê têtú moc umbon ñalabuña to bôc nomña nêñ gwada.

⁸ Aê oc jakêñ malac tonec êngôm lau têtakê ma sêsu susu. Lau tañ sêwê sêja sêmêñ nañ, oc têtakê ma têndain ñêsun êtu gêñwapac, tañ gesen malac tau su nañña.

⁹ Êndêñ tañ ñacjo to lau, tañ sêkic êsêacnêñ bin nañ, sêñgi malac tau auc to sêkônin êsêac ña gêñwapac ñanô nañ, aê oc jakêñ êsêac sênin latunjo to ñac nêñ ñamêsôm ma lau samob oc sênin lau sackapoacgêdô gêdêñ tauñña nêñ ñamêsôm.

¹⁰ “Go aôm ôtuc ku tau popoc anga lau, tañ sêwin aôm nañ lanjônêmña

¹¹ ma ôsôm êndêñ êsêac gebe ‘Lausin undambêña nêñ Apômtau kêsôm bin tonec gebe Aê oc jatuc lau tonec to nêñ malac popoc êtôm ñac ten kêtuc ku popoc e êtôm gebe tambênôc êtiamña atom. Lau sênsun nêñ ñacmatê êsêp gamêñ Topet gebe gamêñ sênsun ñacmatê êsêpña ñaten oc ênêc atom.

¹² Apômtau kêsôm gebe Aê oc janğôm malac tonec to lau, tañ sêngôn ñalêlôm nañ, êtôm tonan e malac tau êtôm Topet.

¹³ Andu Jerusalem to kin Judan nêñ andu êtu gamêñ alôb-alôb êtôm Topet gebe lau sêkêñ da gêñmaluña gêdêñ umbon ñagêñlêlôm ma sêkêc wain kêtú da gêdêñ anôtôi jaba anga andu tau ñasalôm ñaô.’ ”

¹⁴ Go Jeremia gêmêñ anga Topet, tañ Apômtau kêsakin en gêja gebe eoc bin lasê nañ, jakêkô Apômtaunê andu ñamalaclun ma kêsôm gêdêñ lau samob gebe

¹⁵ “Lausin undambêña nêñ Apômtau, Israelnêñ

Anôtô, kêsôm binj tonec gebe Alic acgom, aê oc jakêñ gêñwapac sec, tañ kasôm lasê su nañ, êpi malac tonec to malac gamêñ tonecña samob gebe êsêac gêsuntêkwa ñatonj sec ma dedec gebe sêñô aêñoc binj.”

20

Pasur kêkêñ Jeremia gêñgônj kapoacwalô, tec en etap ñagêjô ñawapac sa

¹ Ma Imer latu dabunwaga Pasur, tañ kêtû Apômtaunê andu ñagejobsêga nañ, gêñô binj, tañ Jeremia geoc lasê nañ.

² Go Pasur gêjac propete Jeremia ma kêkapiñ en akainj tôn ña ka, tañ sêmasañ gêc Apômtaunê andu ñasacgêdô gêmu kêpiña, tañ sêsam gebe Benjaminne Katam nañ ñagala.

³ Ñagelenj Pasur kêkôc Jeremia su anga ka ma Jeremia kêsôm gêdêñ en gebe “Apômtau kêsam aômnêm ñaê Pasur atom, gê nêñ ñaê gebe ‘Gêñ-kêtakê-lauña-kêpi-makeñ-makeñ.’

⁴ Gebe Apômtau kêsôm binj tonec gebe ‘Ôlic acgom, aê jakêñ aôm ôtu taôm to nêñ lau nêñ gêñ êtakê amacña. Nem launêñ ñacjo oc sêñac êsêac ña sinj êndu ma aôm taôm oc ôlic ña matamanô. Ma aê jakêñ lau Juda samob sêsêp kinj Babelña lêma. Enj oc êwê êsêac sêñgônj kapoacwalô anga Babel ma êñac êsêac ña sinj.

⁵ Ma tenj êwinj gebe jakêñ malac tau ñakanom samob to waba samob, tañ sêjac sa nañ, ma nêñ awamata samob to Judanêñ kinj nêñ gêlônj samob êsêp ñacjo lemenj. Êsêac oc sêjanjo su ma sêkôc gêñ tau sêna Babel.

⁶ Ma aôm, Pasur, to nễm gôlôac samob oc aŋgôn kapoacwalô. Oc ana Babel ma amac êndu aŋga tônê ma sễnsuŋ aôm to nễm lau samob, taŋ goc biŋ keso lasê gêdêŋ êsêac naŋ, anêc tônê.’ ”

Jeremia kêtaŋ gêdêŋ Apômtau

⁷ O Apômtau, aôm kôtim aê
ma aê kakêŋ gêwiŋ nễm biŋ ŋalêsi.
Aôm ŋajaŋa kôlêlêc aê su
ma kôku aê tulu.
Lau samob sêômac aê
ma sêsu aê susu ŋapaŋ.

⁸ Kêtôm tễm aê kasôm biŋŋa samob aê katan
to gamôêc gebe “Ojae, ŋaclai sec gesen aê ŋawaô.”
O Apômtau, êsêac sêmajec aê ma têtan pêlê aê ŋapan
gebe aê kasôm nễm jaen lasê.

⁹ Mago embe jasôm gebe “Aê gabe jaliŋ Apômtau
siŋ
ma jasôm biŋ janam en laŋô êtiam atom,”
mago nễm jaen kêlakoc aê amboac ja aŋga ŋoc
ŋalêlôm.

Aê tekoc gêbac gebe jakôc gêŋ tau tôn ma katôm
gebe jaŋgamiŋ biŋ tau atomanô.

¹⁰ Aê gaŋô lau samob sêjac biŋ kesec-kesec gebe
“Ŋaclai sec kêpi maken-maken. Amboac taŋ daoc en
lasê êndêŋ gôliŋwaga.”

Aê tauc ŋoc lau sêsaê gebe jana tauc êndu.

Êsêac sêsôm gebe “Tasau enmaŋ, go moae takôc en
tôn ma takac kamocgôc.”

¹¹ Mago aôm, Apômtau, gêmoa gôwiŋ aê toŋajaŋa ma
ŋaclai

amboac tonan êsêac, tan sêlêsu aê nan, oc sêgôm elêmê.

Êsêac oc sêngôm nêj bin nanô êsa atom, tec majen êsa enden têngen.

Ma lau sêlin bin majenja sin atomanô.

¹² Mago lausin undambêna nêj Apômtau, aôm kôsaê lau jagêdên.

Aôm kôjala gên, tan gêc êsêacnên nalêlôm to kauc.

Amboac tonan ôkên aê jalic aôm ôkên nagêjô êndên
noc nacjo

gebe aê kakên noc gên samob kêsêp aôm lêmam.

¹³ Anam wê êndên Apômtau.

Alanem Apômtau.

En gêjam lau, tan sêoc gêjwapac nan, kêsi anga lau alôb-alôb nêj naclai.

¹⁴ Apuc boa bêc, tan tinoc kêkôc aê nanman.

Alin bêc, tan tinoc kêkên aê kasa gamên nan sin.

¹⁵ Apuc boa nac, tan gêgôm tamoc têtac najam kêsâ gêdên tan en kêkên nawae tonec gêdên en gebe
“Napolê nac. Aôm kôtap latôm ten sa” nan.

¹⁶ Nac tau tonan êtôm malac,

tan Apômtau gesen su ma taê walô atom nanman.

En êjô sênac wali êndên bêbêcgen ma sin nakicsêa êndên ocsalô.

¹⁷ Gebe en gêjac aê êndu gêdên katu awê atomgen nan atom.

Embe êngôm amboac tonan, go tinoc têtacêlôm êtu noc sêô.

¹⁸ Tinoc kêkôc aê o wagen.

En kêkôc aê gebe nandan to gêjwapac êtap aê sa ma jamac êndu tomajocgen me.

21:1–22:30 Jeremia kêkêñ Apômtaunê jaen gêdêñ lau Juda gebe êmêtôc to enen lau-m ñagêdô to nêñ kin su êtu nêñ tañenpêcña. Apômtau oc êmêtôc to êkêñ ñagêjô êndêñ lau nomña samob.

23

Lau ñapopoc oc sêmu sêmên

¹ Apômtau kêsôm gebe “Ojae laugejob, tañ sesen to sêsa ñoc gamên ñadomba êlin-êlin nan.”

² Kêtu tonanña Apômtau, Israelnên Anôtô, kêsôm bin tonec kêkanôn laugejob, tañ sejop ñoc lau nan, gebe “Amac ajop ñoc domba ñaton atom, asa êsêac êlin-êlin ma asoc êsêac sêc sêja. Amboac tonan oc andec aê êtu nêñ secña. Apômtaunê bin tau tonec.

³ Ma aê tauc gabe jajon ñoc domba ñapopoc sa anga gamên samob, tañ kapalip êsêac nan, ma jawê êsêac sêmu sêmên nêñ gamên sênin gêñña êtiam. Ma êsêac sênan ñanô e têtû taêsam.

⁴ Aê oc jakên laugejob gebe sejop êsêac ma êsêac têtêc taun êtiam atom me gêñ ten êtakê êsêac êtiam atom ma nêñ ten ênan atom. Apômtaunê bin tau tonec.”

⁵ Apômtau kêsôm gebe “Alic acgom, bêc oc mênêsa, go janu Dawidnê ñalaka gêdêñ ten sa. En êtu kin ma ênam gôlin tokaucgen ma êmêtôc lau naêndêngen to etoc binêdêñ sa anga gamên tau.

⁶ Êndên nê têm en oc ênam lau Juda sa ma lau Israel sênôn ñanên êsa. Ma sêsam en ña ñaê tonec gebe ‘Apômtau-aêacnên-binêdêñ.’ ”

⁷ Apômtau kêsôm gebe” Alic acgom, têm oc mênêsa, go lau sêsôm êtiam atom gebe ‘Aê jatôc

lemoc êndên Apômtau mata jali, tañ gêwê lau Israel sêpi anga Aiguptu sêmên nan,’

⁸ oc sêsôm gebe ‘Aê jatôc lemoc êndên Apômtau mata jali, tañ kêkôc to gêwê gôlôac Israel nêñ wakuc anga gamên nodonja to anga gamên samob, tañ kêjanda êsêac nan, gebe sêngôn taun nêñ nom.’ ”

Jeremianê jaen kêtû propetenja

⁹ Aênoc ñalêlôm popoc
ma ñoc ñatêkwa wiwicgen.
Apômtau to nê bin dabun kêtakê aê,
tec katôm ñac, tañ gên kêjanin en nan,
katôm ñac, tañ gênôm wain anaboa nan.

¹⁰ Lau tañ sêkên dêmôên Apômtau nan, sêjam gamên auc samucgen.
Êsêac sêsa nêñ lên alôb-alôb ma sêjain nêñ ôlinwalô kêpi gên geo.

Apômtau kêpuc boa nom gebe êoc wapac
ma gêgwan êtu masê kêtû êsêacnja.

¹¹ Apômtau kêsôm gebe
“Propete to dabunwaga sêkên gêwin Anôtô atom.
Aê katap êsêac sa sêgôm sec anga lôm dabun tau ñalêlôm.

¹² Intêna tañ êsêac sêsa nan, ñalênô to ñakesec.
Aê gabe janôm êsêac sêka selelec ma semben.
Aa oc jakên gêñwapac êpi êsêac.
Têm sêkôc ñagêjônja kêdabinjac.
Aê Apômtau tauc kasôm bin tonan.

¹³ Aê galic propete Samariaña nêñ sec.
Êsêac sêsôm bin sêjam anôtô Bal lanô ma sêwê ñoc lau seo sic.

14 Mago aê galic propete Jerusalemña sêgôm sec kêlêlêc.

Êsêac sêgôm gêñ mockaiñña ma sêsau biñdansañ.

Êsêac sêpuc lau tôñ gebe sêñgôm sec.

Amboac tonañ tec teñ gêwi lêñ êñgôm secña sin atom.

Aê galic êsêac samob kêtôm malac Sodom ma têtû sec têtôm lau Gomoraña.”

15 Tec lausiñ undambêña nêñ Apômtau kêsôm biñ tonec kêtû propete Jerusalemña gebe

“Aê gabe jakêñ gêñ ñamakic êndêñ êsêac sêniñ

to bu ñamalic êndêñ êsêac sênôm

gebe êsêac sêkêñ nêñ gêñ alôb-alôb gelom-gelomgen gêja e gêjam gamêñ samucgen auc.”

16 Lausiñ undambêña nêñ Apômtau kêsôm gêdêñ lau Jerusalem ña gebe “Akêñ tañem biñ, tañ propete sêsôm nañ atom. Êsêac sêsau sêôc amac, tec akêñ maten biñdansañ. Êsêac sêsôm biñ, tañ êsêac tañ tañ gêjam nañ, sêsôm biñ, tañ aê kasôm nañ atom.

17 Êsêac sêsôm gêdêñ lau, tañ sedec gebe sêkêñ tañen biñ, tañ aê kasôm nañ, gebe gêñ samob oc ênêc ñajamgen êtu êsêacña. Ma êsêac sêsôm gêdêñ lau samob, tañ môtêñ takôc nañ, gebe gêñwapac oc êmoasac êsêac atom.”

18 Aê kasôm gebe “Propete tonañ nêñ teñ kêjala biñ, tañ Apômtau taê gêjam gêc lêlômgen nañ atom. Êsêacnêñ teñ gêñô me kêjala ênê jaen me kêkêñ taña to taña wamu ênê biñ atomanô.

19 Ênê têtac ñandañ kêtôm mutêna to mulai sec, ekolon lau alôb-alôb môtêñapac.

20 Ênê têtac nandanj êtu malô atom e êndênj êngôm gênj samob, tanj gebe êngômna nanj, su acgom. Êndênj bêc, tanj mênêsa nanj, lau oc sêjala gênj tonanj ênêc awêgenj.”

21 Apômtau kêsôm gebe “Aê kasakinj propete tonanj atom, mago êsêac taunj sêwac. Aê kakênj jaenj tenj êsêac sêôc atom, mago sêsôm binj sêjam aê lanôc

22 Êsêac embe sêjala binj, tanj aê taêc gêjam gêc lêlômgenj nanj, go sêôc jaenj lau e sêwi nênj lênj sec, tanj sêsa nanj, to nênj gênj alôb-alôb, tanj sêgôm nanj sinj.

23 “Aê Anôtô, tanj gamoa gamênj samob nanj, aê gamoa gamênj tagengenj atom.

24 Nac tenj êtôm gebe êsinj tau ôkwi êmoa gamênj tenj, tanj jalic enj sapu nanj atom. Amac ajala gebe aê gamoa undambê to nom samucgenj me masi.

25 Aê kajala binj, tanj propete tonanj sêsôm nanj. Êsêac sêsôm binjdananj sêjam aê lanôc ma sêsôm gebe ‘Aê gaêc mêgoc. Apômtau gêsunj mê gêdênj aê.’

26 Propete tonanj oc sêwê nêc lau seo na binjdananj, tanj êsêac taunj taênj gêjam nanj, e êndênj ondogenj.

27 Êsêac sêjam kauc gebe mê, tanj êsêac sêsôm nanj, oc êngôm aênêc lau sêlinj aê sinj, kêtôm êsêac tamenj sêlinj aê sinj ma sêjam taunj ôkwi gêdênj anôtô jaba Bal.

28 Propete tanj ênêc mê nanj, êsôm solopgenj gebe gêc mênj, mago propete, tanj gênj aênêc jaenj nanj, êsôm jaenj tonangenj lasê êndênjenj. Polom napa to polom nanô gênj luagêc tonanj nêasagenj nêgêdô gêdênj taunj.

29 Nɔc jaen kêtôm ja me kêtôm hama ten, taŋ kêtuc poctêna popoc naŋ.

30 Tec aê gadec propete tonaŋ, taŋ sêjam gengeŋ taun nêŋ propete ɲagêdô nêŋ biŋ ma sêsau gebe aêɲoc biŋ naŋ.

31 Aê gadec propete, taŋ sêsôm taun nêŋ biŋ, mago sêsôm gebe gêmêŋ aŋga aêɲa naŋ.

32 Akêŋ taŋem biŋ, taŋ aê Apômtau tau kasôm naŋ. Aê gadec propete, taŋ seoc nêŋ mê dansaŋ lasê naŋ. Êsêac sêsôm mê tonaŋ lasê e nêŋ biŋdansaŋ to tetoc taun saŋa gêwê ɲoc lau seo sic. Aê kasakiŋ êsêac to kajatu êsêac gebe sêwac nec atom. Êsêac sêjam lau ten sa atomanô. Aê Apômtau, kasôm biŋ tonaŋ.”

Apômtaunê gêŋ kêkôniŋɲa

33 Apômtau kêsôm gêden aê gebe “Jeremia, aêɲoc lau nêŋ ten me propete ten me dabuŋwaga ten embe êtu kênac aôm gebe ‘Apômtaunê jaen amboac ondɔc’, go ôsôm êndêŋ eŋ gebe ‘Aôm kôtu gêŋ kêkôniŋɲa ten gêdêŋ Apômtau tau ma eŋ gebe enseŋ aôm su.’

34 Aêɲoc lau nêŋ ten me propete ten me dabuŋwaga ten embe êsam biŋ tonanŋen gebe ‘Apômtaunê gêŋ kêkôniŋɲa’, go aê oc jakêŋ ɲagêjô êndêŋ eŋ to nê gôlôac.

35 Tagen lau samob têtû kênac nêŋ ɲaci to tawanji gebe ‘Biŋ ondɔc Apômtau kêsôm gêjô. Apômtau kêsôm asagen.’

36 Amboac tonaŋ êsêac sêsôm ɲalô tonec ‘Apômtaunê gêŋ kêkôniŋɲa’ êtiam atom gebe ten embe êsôm, go aê jaŋgom aêɲoc jaen êtu gêŋ

kêkôninŋa ŋanô tenj êndênj enj gebe lau sêjainj Anôtô mata jalinja, Apômtau ŋanininj ŋatau nê binj.

³⁷ Jeremia, ôtu kênac propete tenj gebe ‘Apômtau kêkênj binj ondoci gêjô amacnêm binj. Apômtau kêsôm binj ondoci.’

³⁸ Ma êsêac embe tanjenpêc êndênj aênjoc jatu ma sêsôm ŋalô toneci ‘Apômtaunê gênj kêkôninŋa’, go ôsôm êndênj êsêac gebe

³⁹ Aê binjŋanôgenj gabe jajonj êsêac sa ma jatinj êsêac su lulugenj êsêac taunj to malaci, tanj kakênj gêdênj êsêac to nênj mimi nanj.

⁴⁰ Aê oc jangôm êsêac majenj êsa endenj tôngenj, tanj talinj sinj atomanô nanj.”

24:1–25:38 Binj mêtôcŋa, tanj Jeremia geoci lasê gêdênj lau Juda nanj, kêdabinj gebe ŋanô êsa. Ma ŋaci, tanj Apômtau kêjalinj sa gebe êkênj ŋagêjô êndênj ênê lau êjô enj su nanj, Kinj Nebukadnesari. Apômtau êkênj ŋagêjô êndênj lau nomŋa samobi.

26

Lau sebe sênac Jeremia êndu

¹ Kinj Judana Josia latu Jojakim kêkôc gôlinj sa wakucgenj ma Apômtaunê binj toneci mênjkêsa.

² Apômtaunê binj tau toneci gebe “Naôkô Apômtaunê andu ŋamalaclunj ma ôsôm binj samobi, tanj jajatu aôm gebe ôsôm êndênj lau anja malaci Judaŋa samobi, tanj sêmênj gebe tetenj mec anja Apômtaunê andu nanj. Ôngaminj binj tenj atom.

³ Moae êsêac oc sêkênj tanjenj ma samobi sênam taunj ôkwi amboaci tonangenj ma jangôm gênj, tanj taêci gêjam gebe jangôm êndênj êsêac êtu nênj sec, tanj sêgômŋa nanj atom.

⁴ Ôsôm êndênj êsêac gebe Apômtau kêsôm bin tonec gebe Amac embe akênj tanjem aê atom ma asa lênj êtôm njoc binjsu, tanj kakênj gêdênj amac nanj atom

⁵ ma amac embe anjô njoc sakinjwaga propete, tanj kasakinj êsêac kakacgenj gêdênj amac nanj, nênj binj atom amboac agôm-agôm amoa,

⁶ go janjôm andu tonec êtôm gagôm gêdênj Silo ma tentenlatu anja nom njagamênj samob embe sêpuc boa lau, go sêsam malac tonec njaê.”

⁷ Dabunwaga to propete ma lau samob sênjô Jeremia kêsôm binj tonanj anja Apômtaunê andu.

⁸ Ma gêdênj tanj Jeremia gêjac mata nê binj, tanj Apômtau kêjatu gebe êsôm êndênj lau samob nanj, dabunwaga to propete ma lau samob sêkôc enj tônj ma sêsôm gebe “Aôm oc ômac êndu.

⁹ Aôm goc binj lasê gôjam Apômtau lanjô ma kôsôm gebe ‘Andu tonec oc êtôm Silo ma malac tonec oc êtu tuc ma lau tenj sênjgônj njalêlôm êtiam atom kêtû asagenja.’ ” Ma lau samob sêkac sa mênjsêgi Jeremia auc anja Apômtaunê andu.

¹⁰ Gêdênj tanj Judanênj kasêga sênjô binj tau nanj, êsêac sêwi kinjê andu sinj jasêsô Apômtaunê andu ma sênjgônj Apômtaunê andu njasacgêdô, tanj sêsam gebe Sacgêdô Wakuc nanj njalêlôm.

¹¹ Go dabunwaga to propete sêsôm gêdênj kasêga to lau samob gebe “Nac tonec êtap njagêjô êmac êndunja sa gebe enj geoc malac tonec ênanja njabinj lasê amac taôm anjô kêsô tanjemsunjac.”

¹² Go Jeremia kêsôm binj gêdênj kasêga to lau samob gebe “Apômtau kêsakinj aê gebe jaoc andu tonec to malac tonec ênanja njabinj, tanj anjô su nanj lasê.

¹³ Amboac tonan galoc amêtoç nêmlên to nêmlôm ma tanem wamu amacnêml Apômtau Anôtô awa, go Apômtau ênam bin sec, tan kêsôm lasê kêpi amac nan ôkwi.

¹⁴ Tagen aê tauc, tec kasêp amac lememe sugac, tec angôm aê êtôm alic najam to naêndêngeñ nan.

¹⁵ Mago ajala bin tageñ tonec êtu tõe gebe amace embe anac aê êndu, go nac tobinmê nê dec nagêjô êpi amac taôm ma malac tonec to nalau, tan sêngõeñ nalêlôm nan, gebe Apômtau kêsakin aê gadên amac binjanõeñ gebe jasôm bin samob tonan nai êsô amace tanemsun.”

¹⁶ Go kasêga to lau samob sêsôm gêdên dabunwaga to propete gebe “Nac tonec êwê kain nagêjô êmac ênduñ atom gebe eñ kêsôm bin gêdên aêac gêjam aêacnên Apômtau Anôtô lanô.”

¹⁷ Ma gamên tau nalaumata nagêdô dêdi ma sêsôm gêdên lau samob, tan sêkac taun sa nan, gebe

¹⁸ “Gêdên Judanên kin Hiskia propete Mika anga Moreset geoc bin lasê ma kêsôm gêdên Judanên lau samob gebe ‘Lausin undambêña nên Apômtau kêsôm bin tonec gebe

Oc sêkac Sion ôkwi amboac sêkac nom ôkwi anga kôm.

Jerusalem popoc-popocgeñ êtu lênduc

ma lôc lôml dabunña ênam-tau ôkwi êtu salenbôm.’

¹⁹ Judanên kin to lau Juda samob sêjac nac tau êndu me. Êsêac têtêc Apômtau ma teten eñ, tec gêjam bin wapac, tan kêsôm lasê kêpi êsêac nan, ôkwi atom me. Ma galoc aêac dabe takalem gêñwapac tau mênêpi aêac me.”

20 Nac tenj gêmoa. Enj geoc binj lasê gajam Apômtau lanjô amboac tonan. Enj Semaia latu Uria anja Kiriath-Jearim. Enj geoc malac tonec to gamênj tonec ênanja nabinj lasê kêtôm Jeremianê.

21 Ma gêdênj tanj kin Jojakim to nê lausinj ma nê kasêga samob sênjô ênê binj nan, kinj tau gebe ênac enj êndu. Mago Uria gênjô njawae, tec kêtêc tau ma gêc gêja Aiguptu.

22 Go kinj Jojakim kêsakinj Akbor latu Elnatan to lau njagêdô sêwinj enj sêja Aiguptu.

23 Êsêac sêkôc Uria anja Aiguptu mênjsêkênj enj gêdênj kinj Jojakim gêjac enj nj sinj êndu ma kêbalinj ênê njawêlêlanj kêsêp lau njôma nênj gamênj sêônja.

24 Sapan latu Ahukam lêma gejo Jeremia auc, tec sêkênj enj gêdênj lau gebe sênac enj êndu atom.

27:1–30:24 Apômtau kêjatu Jeremia gebe êôc ka njawapac tenj êngôm êtu dônj êwa kinj Babilonja Nebukadnesar nê njac lai sa. Enj oc êkôninj laum njagêdô ma êkôninj lau Juda amboac tonanjen. Propete dansanj gêjac sinj gêdênj Jeremia kêtû dônj tonanja, mago njagêjô kêtap enj sa ma gêmâc êndu. Jeremia keto papia tenj gêdênj lau, tanj sêngônj kapoacwalô anja Babilon ma kêsôm gêdênj êsêac gebe têtû wakac anja gamênj jaba, gebe oc sêngônj tônê njasawa ec balinj. Mago enj geoc lasê gêdênj êsêac amboac tonanjenj gebe êndênj njanoc oc sêmu sêna nênj malacmôkê êtiam.

31

Lau Israel sêmu sêmênj nênj gamênj êtiam

1 Apômtau kêsôm gebe “Êndênj têm tonan oc jatu Israelnênj gôlôac samob nênj Anôtô

ma êsêac oc têtû aêñoc lau.”

² Apômtau kêsôm biñ tonec gebe

“Lau, tañ sêsêp siñ sawa nañ, têtap moasiñ sa anğa gamêñ sawa.

Gêdêñ tañ Israel gesom gamêñ êlêwan taunja nañ,

³ Apômtau geoc tau lasê gêdêñ eñ anğa gamêñ jaêc.

Aê têtac gêwiñ aôm ña têtac gêwiñ tengeñña.

Kêtu tonanña aê kamoasiñ aôm geden tôngeñ.

⁴ O awêtakiñ Israelo, aê gabe jakwê aôm sa ôkô êtiam.

Ôngêlôn ñaôm ña gegob êtiam

ma ôsa naôtê wê ôwiñ lau têtac-ñajamwaga.

⁵ Aôm oc ôsê kôm wainña êsêp lôc Samarianja êtiam.

Lau-sêsêwaga oc sêsê ma têtû samuc kôm ñanô.

⁶ Gebe bêc teñ oc mênêsa, go dibwaga oc sêmôêc anğa lôc Epraimña gebe

‘Ajôc, andi ma tapi Sion dandêñ aêacnêñ Apômtau Anôtô tana.’ ”

⁷ Gebe Apômtau kêsôm biñ tonec gebe

“Anam lasê totêmtac ñajamgeñ êtu Jakobña.

Awem êôc lau tomôkê-tomôkê nêñ ñamataña.

Asôm lasê to atoc sa ma asôm gebe

‘Apômtau gêjam nê lau Israel nêñ ñapopoc kêsi.’

⁸ Alic acgom, aê gabe jakôc êsêac anğa gamêñ nodonja

ma jajon êsêac sa anğa nom ñagamêñ jaêcsêga.

Oc jajon matenpec to puliñ ma lauo, tañ taên to êsêac, tañ ñapalê kêtun êsêac nañ sêwiñ.

Gôlôac toñ kapôên teñ oc sêmu sêmên tonec.

⁹ Êsêac oc sêmên tomatenşulugen

ma jawê êsêac tobiñmalôgen sêmu sêmên.

Aê jakêñ êsêac sêsêlêñ sêmoa bu ñakêñkêñ ñataligen,
oc sêsêlêñ sêmoa intêna solop gebe semben atom
gebe aê katu Israel tama
ma Epraim kêtú ñoc ñacsêga.

¹⁰ “O tentenlatuac, akêñ tanjem Apômtaunê bin
ma asôm lasê anga gamêñ gwêcña, tan gêc jaêcsêga
nan.

Asôm gebe ‘Ñac tan kêsa Israel êlin-êlin nan,
gebe ejon en sa êtiam
ma ejop en amboac ñacgejob gejob nê domba.’

¹¹ Gebe Apômtau gêjam ôli Jakob su
ma gêjam en kêsî anga lau, tan lemen ñajaña kêlêlêc
Jakobnê su nan.

¹² Êsêac oc sêmêñ ma sênam wê kapôêñ anga lôc
Sion.

Êsêac ôlin êpigen êtu Apômtaunê moasinña,
êtu polom to wain ma ñalêsi
ma domba to bulimakao ñalatuña.

Êsêac katun êtôm kôm, tan bu kêmalôm nan,
ma sêpô lêna gêñ ten êtiam atom.

¹³ Go awêtakin têtê wê totêntac ñajamgen
ma lau matak to lau ñanô têtú samuc.

Aê oc janam nêñ tanjiboa ôkwi êtu têtac ñajam.

Aê oc janac êsêac têtac tôn ma jakêñ êsêac têtac
ñagaô êsa êjô ñalêlôm ñawapac su.

¹⁴ Aê oc jalôm dabunwaga ña gêñ ñajam taêsam
ma ñoc moasin êoc ñoc lau tôn.
Apômtaunê bin tau tonec.”

Apômtau taê walô nê lau

¹⁵ Apômtau kêsôm bin tonec gebe

“Sêñô awa ñaonda aña Rama.
Sêwakic to têtan tanjiboa ñanô.
Rahel kêtan nê gôlôac.
Sêjam malô-malô en kêtú nê gôlôacña kêtôm atom
gebe sêjanagac.”

¹⁶ Apômtau kêsôm binj tonec gebe

“Ônam tanjiboa tôñ ma ômbun matamsulu su
gebe nêk kolen oc êtap ñagêjô ñajam sa
ma êsêac oc sêmu sêmên aña ñacjonên gamên.
Apômtaunê binj tau tonec.”

¹⁷ Apômtau kêsôm gebe

“Ôkên matam têm, tanj gêc nêmña nan,
gebe latômi oc sêmu sêmên taun nên gamên.

¹⁸ Aê tec ganô Epraimnê tanjiboa tonec gebe
‘Aôm kômêtôc aê amboac kômêtôc bulimakao
kapoac wakuc mata daun
ma aê kasô nêk mêtôc ñalabu.

Ôkôc aê jamu jana gebe jamoa ñajam êtiam,
gebe Apômtau, aênoc Anôtô, aôm.

¹⁹ Aê kakac tauc su mago galoc gajam tauc ôkwi.

Ma gêdên tanj ñoc kauc kêsá nan, aê gabu tauc.

Aê majoc ma ñoc ñalêlôm popoc
gebe ñoc lên ñapalêgeña kêmajec aê.’

²⁰ Epraim en ñoc latuc têtac gêwiñ enña me masi.

Aoc gêjac en gebe Ñoc gênenec, me masi.

Têm samob, tanj kasôm binj kêpi en nan, taêc gêjam
en gamoa.

Tec ñoc ñalêlôm gêjam awa su en

ma kêkac aê gebe taêc walô en.

Apômtaunê binj tau tonec.

²¹ “Ôñgunj ka êkô êtu nêk intêna ñabelo.

Matam êndiņ intênasêga ma ojop intêna, taņ kôsa naņ.

O awêtakiņ Israelo, ômu ômôêņ,
ômu ôndêņ nêmalac tonec ȳai ômôêņmaņ.

²² O latuco, taņ gôwi aê siņ naņ,
aôm gobe o sic e êndêņ ondocgeņ.

Gebe Apômtau kêkêņ gêņ wakuc aņga nom amboac
tonec gebe

Awê gêjam ȳac kêsi.”

²³ Lausiņ undambêņa nêņ Apômtau, Israelnêņ
Anôtô kêsôm biņ tonec gebe “Êndêņ taņ aê ja-
mansaņ launêņ lêņ êtu wakuc êtiam naņ, êsêac oc
sêsôm biņ tonec aņga gamêņ Judaņa to nêņ malac
samob êtiam gebe

‘O malac, taņ biņgêdêņ gêņgôņ naņ,
o lôc dabuņ, Apômtau ênam mec aôm.’

²⁴ Ma gamêņ Judaņa to ȳamalac samob ma kômwaga
to êsêac, taņ sejop domba ȳaton ȳaņ, oc sêpi tagen
sêņgôņ gamêņ tau ȳalêlôm.

²⁵ Gebe aê ȳaņgôm katu, taņ têkwa gêbac naņ, têkwa
saki êsa ma jakêņ gêņ êndêņ katu, taņ kêpô lêna naņ,
e êôc eņ têt.”

²⁶ Su, go matoc gêlac ma galic gamêņ. Aê gaêc bêc
ȳajam kêmoasiņ aê.

Poac wakuc

²⁷ Apômtau kêsôm gebe “Alic acgom, têm kêdabiņ
gebe ȳasê ȳamalac ȳawê to bôc ȳawê êsêp gôlôac
Israel to Juda.

²⁸ Aê matoc gêdiņ êsêac gêdêņ taņ sêbuc sa to têtuc
popoc, gêdêņ taņ sêku tulu to sesen su ma sêlêsu
êsêac naņ, tec êndêņ taņ sêkwê sa to sêsê gêņ naņ,

matoc êndiñ êsêac amboac tonanjen. Apômtaunê biñ tau tonec.

²⁹ Êndên bêc tônê oc sêsôm biñ tonec êtiam atom gebe

‘Tamenji sen wain ñanô matac
ma nêñ gôlôac lunlun siñ-siñ.’

³⁰ Lau samob sêmac êndu êtu taun nêñ secña ma lau samob, tañ sen wain ñanô matac nan, taun lunlun siñ-siñ.”

³¹ Apômtau kêsôm gebe “Alic acgom, têm oc mênêsa, go jamoatin poac wakuc êndên gôlôac Israel to gôlôac Juda.

³² Poac tonec oc êtôm poac, tañ kamoatin gêdên êsêac tamenji gêdên tañ kakam êsêac gêdên lemen ma gawê êsêac sêsa anga Aiguptu sêmên nan atom. Êsêac sêjac ñoc poac tonan popoc, tec gawa tauc sa gebe êsêacnên ñatau aê.

³³ Apômtau kêsôm gebe Bêc tônê ñai êmbacnê acgom, go jamoatin poac tonec êndên gôlôac Israel gebe jakên to jato ñoc biñsu êsêp êsêacnên ñalêlôm ma aê oc jatu nêñ Anôtô ma êsêac oc têtû ñoc lau.

³⁴ Êndên noc tonan lau ten oc sêndôn nêñ lau sackapoacgêdô gêdên taunña to nêñ latunji ma sêsôm gebe ‘Ajala Apômtauman’ êtiam atom gebe gôlôac to nêñ lau towae samob oc sêjala aê gebe aê oc jasuc êsêacnên geo ôkwi ma taêc ênam nêñ sec êtiam atom. Apômtaunê biñ tau tonec.”

³⁵ Apômtau kêsôm biñ tonec gebe

“Asa kêkên oc ñawê gêdên gelenña
ma ajôn to utitalata ñawê gêdên gêbêc.

Asa gêli gwêc sa e ñadembom kêgasim ñakicsêa kapôêñ.

Ñac tau nê ñaê gebe Lausiñ undambêña nêñ Apômtau.

³⁶ Apômtau kêsôm gebe

Ñagôliñ ñajaña tonañ embe êñaña anğa aê lañôcnêmña,

go Israelnêñ wakuc sêmoa aê lañôcnêmña têtôm lau-m tagen êtiam atom enden tôngen am-boac tonanğen.”

³⁷ Apômtau kêsôm biñ tonec gebe

“Embe êtôm gebe sênam dôn undambê lôlôcña

ma sêkip nom ñalabuña ñanombañ ñam sa,

go aê jatiñ Israelnêñ wakuc samob su êtu gêñ samob,

tañ sêgôm nanña. Apômtaunê biñ tau tonec.”

³⁸ Apômtau kêsôm gebe “Alic acgom, têm oc mênêsa, go sêkwê malac sa êtiam êtu Apômtaunja. Oc sênac m anğa Hananelnê andu soso e naêndên Sacgêdô Kêclêsuña.

³⁹ Ma gam dônña êsêlên solopgen e naêndên gamên ñabau Gareb, go êmôê êndên gamên Goa êna.

⁴⁰ Ma gaboan ñawêlêlañña to waonja samucgen ma kôm samob e naêndên bu Kidron to Sacgêdô Hosña ñagamên gêmu oc kêpi ña, gamên samob tonañ ñai oc êtu Apômtaunê gamên dabuñ. Lau ten oc senseñ su to têtuc popoc êtiam atom enden tôngen.”

32:1–35:19 Jeremia gêjam ôli nom anğa nê malacmôkê gêdên tañ Nebukadnesar kêgi malac Jerusalem auc nañ. Biñ tonañ gêgôm kêtû dôn ten ma gebe êwa sa gebe lau sêkên mater têm, tañ

gêc nêmn̄a nan̄. Anôtô oc êngôm nê bin̄ n̄anô êsa, Jerusalem oc ênāa, mago êtu n̄amu en̄ oc êmboa lau Juda sa êtiam. * êsêac sa tatu lau samob nêñ toñ n̄amatāa.

36

Baruk kêsam bin̄ lasê an̄ga Apôm̄taunê andu

¹ Judanêñ kin̄ Josia latu Jojakim gêjam gôlin̄ gamên̄ n̄ajala kêtû aclêña, go Apôm̄taunê bin̄ gêdên̄ Jeremia gebe

² “Ôkôc papia tolun̄ ma oto bin̄ samob, tañ aê kasôm gêdên̄ aôm gajac m̄ gêdên̄ Josianê têm e mên̄gêdên̄ galoc nan̄, kêpi Israel to Juda ma ten̄latu samob

³ gebe gôlôac Judaña oc moae sên̄ô gên̄ sec samob, tañ aê gabe jan̄gôm êndên̄ êsêacña nan̄, n̄awae ma êsêac samob sên̄am taun̄ ôkwi an̄ga nêñ lên̄ sec ma aê oc jasuc êsêacnên̄ geo to sec ôkwi.”

⁴ Go Jeremia kêkalem Neria latu Baruk. Jeremia kêsôm ma Baruk keto bin̄ samob, tañ Apôm̄tau kêsôm gêdên̄ Jeremia nan̄, kêsêp papia tolun̄.

⁵ Ma Jeremia kêjatu Baruk ma kêsôm gebe “Êsêac sêjac jao aê gebe jasô Apôm̄taunê andu atom.

⁶ Amboac tonan̄ aôm ôna ma êndên̄ bêc sên̄am dabun̄ moña aôm ôsam Apôm̄taunê bin̄, tañ aê kasôm gêdên̄ aôm ma koto kêsêp papia nan̄, lasê lau samob sên̄ô. Ôsam êndên̄ lau Juda samob, tañ sêmên̄ an̄ga nêñ malac gêdên̄-gêdên̄gen̄ nan̄.

⁷ Oc moae tetên̄ nêñ mec êndên̄ Apôm̄tau ma êsêac samob sên̄am taun̄ ôkwi an̄ga nêñ lên̄ sec gebe

* **31:40:** Bin̄ tonan̄ kêkanôn̄ lau Israel gebe Anôtô kêjalin̄

Apômtau gebe ejon lau tonec na têtac nandan sec to têtac kêbôli auc.”

⁸ Ma Neria latu Baruk gêgôm bin, tan propete Jeremia kêjatu en nan, nanô kêsma ma kêsam Apômtaunê bin, tan gêc papia nan, lasê anga Apômtaunê andu.

⁹ Judanê kin Josia latu Jojakim gêjam gôlin gamên jala aclê ma naajôn kêtû 9 ma lau Jerusalem na samob ma lau samob, tan sêmên Jerusalem anga malac gêdên-gêdênge nan, sêlic om sênâm dabun mona ten sêmoa Apômtau lanônêmna.

¹⁰ Go Baruk kêsam Jeremianê bin, tan gêc papia nan, lasê gêdên lau samob sênô. En kêsam lasê anga nac-keto-papiawaga Sapan latu Gemarianê balêm, tan gêc Apômtaunê andu namalacun naôna nan, kêdabin Apômtaunê andu nasacgêdô, tan sêsam gebe Sacgêdô Wakuc nan.

Sêsam papia tau gêdên laumata

¹¹ Gêdên tan Sapan latu Gemaria nê latu Mikaia gênô Apômtaunê bin samob, tan gêc papia nan,

¹² en kêsêp kinê andu jakêsô nac-keto-papiawaganê balêm. Kasêga samob sêngôn tônê, nac-keto-papiawaga tau Elisama, Semaia latu Delaia, Akbor latu Elnatan, Sapan latu Gemaria, Hanania latu Sedekia ma kasêga nagêdô samob.

¹³ Ma Mikaia gêjac min bin samob, tan en gênô gêdên Baruk kêsam papia lasê gêdên lau nan, gêdên êsêac.

¹⁴ Go kasêga samob sêsakin Kusi latu Selemia latu Netania nê latu Jehudi gebe êsôm êndên Baruk gebe “Ôkôc papia, tan kôsam lasê gêdên lau samob

nan, ma ômôên.” Amboac tonan Neria latu. Baruk kêkôc papia ma gêdên êsêac gêja.

¹⁵ Ma êsêac sêsôm gêden en gebe “Ôngôn sic ma ôsam lasê.” Tec Baruk kêsam papia tau lasê gêdên êsêac.

¹⁶ Gêdên tan sênô bin samob tonan nan, êsêac sêsôm gêdên taun totêtêc taunjen gebe “Aêac takên bin samob tonan nawae êndên kinman.”

¹⁷ Go têtû kênac Baruk gebe “Ôsôm acgom, aôm koto bin samob tonan amboac ondoc. En kêsôm gêdên aôm ma koto me.”

¹⁸ Baruk gêjô êsêac awen gebe “Jeremia kêsôm bin samob gêdên aê ma aê kato na busa kêsêp papia.”

¹⁹ Go kasêga sêsôm gêdên Baruk gebe “Amagêc Jeremia aêc naasin taôm ma akên gamên, tan asin taôm nan, nawae êndên lau ten atom.”

Kin kêkên papia la gen su

²⁰ Êsêac sêkên papia tau gêc nac-keto-papiawaga Elisama nê balêm, go sêja kin nê malaclun ma sêjac min bin samob gêdên kin.

²¹ Go kin kêsakin Jehudi gebe êkôc papia tau. Ma en kêkôc papia tau su anga nac-keto-papiawaga Elisama nê balêm jakêsam lasê gêdên. kin to kasêga samob, tan sêgi kin auc sêkô nan.

²² Kin tau gêngôn nê andu komôna gebe ajôn kêtû 9na mênkêsa. Sêgôm ja gelom ma kin kêsêlu ja gêmoa.

²³ Jehudi kêsam papia nasêbu têlêac me aclê su acgom, go kin kêkôc bôjan papianja ma kêsa nasêbu tau gêngic ma kêbalin kêpi ja, tan gelom kêsa nan.

En gêgôm amboac tonan e ja gen papia samucgen gêbacnê.

²⁴ Mago kin tau me nê sakinwaga, tan sênô bin tonan nan, têtakê ma sêkac nêñ nakwê gêngic atom.

²⁵ Elnatan agêc Delaia ma Gemaria teten kin tonajanagen gebe êkên papia ja êniñ atom, mago en kêkên tanja êsêac atom.

²⁶ Ma kin kêjatu tau latu Jeramel agêc Asriel latu Seraia ma Abdel latu Selmia gebe sêkôc ñac-keto-papiawaga Baruk agêc propete Jeremia tôñ. Mago Apômtau kêsiñ êsêagêc ôkwi.

Jeremia keto bin tau kêsêp papia wakuc kêtiam

²⁷ Kin kêkên papia, tan Baruk keto kêdaguc Jeremia awa nan, ja gen su acgom, go Apômtaunê bin gêdên Jeremia kêtiam gebe

²⁸ “Ôkôc papia tolun wakuc ma oto bin, tan kêsêp papia ñamataña tan Judanên kin Jojakim kêkên ja gen nan, êsêp papia tau.

²⁹ Ma ôsôm bin êkanôn Judanên kin Jojakim amboac tonec gebe ‘Apômtau kêsôm bin tonec gebe Aôm kôkên ja gen papia tonec ma kôsôm gebe “Kêtu agenña tec aôm koto kêsêp papia gebe kin Babelña oc êmên binñanôgen ma êngôm gamên tonec êtu gasan ma ensen ñamalac to bôc samob su sênaña.”

³⁰ Tec Apômtau kêsôm bin tonec kêkanôn Judanên kin Jojakim gebe Ênê ñac ten êngôn Dawidnê lêpôn kinña oc êmoa atom ma êsêac oc sêmbalin ênê ñawêlêlan sin gebe gelenña ñaoc ñandan êpac en to gêbêc ñamaniñ ênam en.

³¹ Ma aê gabe jamêtôc en to nê wakuc ma nêñ sakinwaga êtu nêñ secña. Ma aê oc janğôm bin sec, tan kasôm lasê kêtû êsêacña, mago sênô atom nan,

ṇanô êsa êpi êsêac to lau, ta sêṇḡôn Jerusalem nan, ma lau Juda.' ”

³² Go Jeremia kêkôc papia wakuc ma kêkêṇ gêdêṇ Neria latu ṇac-keto-papia-waga Baruk. ṇac tau keto biṇ samob, taṇ Jeremia kêsôm ma gêc papia, taṇ Judanêṇ kiṇ Jojakim kêkêṇ ja geṇ nan, ma gêjac têku biṇ ṇagêdô taêsam gêwiṇ.

37

Jeremia gêṇḡôn kapoacwalô

¹ Kiṇ Babelṇa Nebukanesar kêkêṇ Josia latu Sedekia kêtû kiṇ aṇga gamêṇ Judanṇa, ma gêjam gôliṇ gêjô Jojakim latu Konia su.

² Mago Sedekia to nê sakiṇwaga ma lau gamêṇ taunṇa sêkêṇ taṇeṇ Apômtaunê biṇ, taṇ kêsôm kêsa propete Jeremia awa nan atom.

³ Kiṇ Sedekia kêsakiṇ Selemia latu Jehudi agêc Maseia latu dabunwaga Sepania gêdêṇ propete Jeremia ma sêsôm gebe “Ôteṇ mec êtu aêacṇa êndêṇ aêacnêṇ Apômtau Anôtô.”

⁴ Gêdêṇ tonan Jeremia kêsô kêsa gêwiṇ lau gêmôa gebe sêkêṇ eṇ gêṇḡôn kapoacwalô atom tagenṇ.

⁵ Gêdêṇ tonan Paraonê siṇwaga toṇ teṇ sêsa aṇga Aiguptu sêmêṇ ma lau Kaldeanṇa taṇ sêgi Jerusalem auc nan, sêṇô biṇ tonan ṇawae, tec sêwi Jerusalem siṇ ma sêc sêja.

⁶ Go Apômtaunê biṇ gêdêṇ propete Jeremia gebe

⁷ “Apômtau, Israelnêṇ Anôtô, kêsôm biṇ tonec gebe Ôsôm biṇ tonec êndêṇ Judanêṇ kiṇ, taṇ kêsakiṇ aôm gôdêṇ aê gômôêṇ gebe ôtu kênac aê nan, gebe ‘Ôlic acgom, Paraonê siṇwaga, taṇ sêmêṇ

gebe sênam aôm sa nan, oc sêc sêmu sêna nêḡ gamêḡ êtiam.

⁸ Lau Kaldea oc sêmu sêmêḡ ma sênac siḡ êndêḡ malac tonec. Êsêac oc sêku malac tau tulu ma sêkêḡ ja êniḡ.

⁹ Apômtau kêsôm biḡ tonec gebe Ansau taôm ma asôm gebe “Lau Kaldea oc sêmoa jaêc aêac,” nec atom gebe êsêac sêc oc sêna samucgeḡ atom.

¹⁰ Ma amac embe aku lau Kaldea nêḡ siḡwaga samob, taḡ sênac siḡ êndêḡ amac nan, tulu e nêḡ lau tokamocgeḡ embe sêmoa, tec lau tonan oc sêndi anḡa nêḡ becobo ma sêkêḡ ja êniḡ malac tonec.’ ”

¹¹ Gêdêḡ taḡ lau Kaldea nêḡ siḡwaga sêwi Jerusalem siḡ kêtû Paraonê siḡwaga têdabiḡ êsêacḡa nan,

¹² Jeremia gêdi anḡa Jerusalem gebe êna Ben-jaminnê gamêḡ gebe êmansan nê nomlênsêm ḡabiḡ êwiḡ nê lau.

¹³ En ḡêô lasê Sacḡêdô Benjaminḡa ḡêdêḡ siḡwaga teḡ, nê ḡaê Iria, ḡejob sacḡêdô tau. Iria en Hanania latu Selemia nê latu. En kêkôc propete Jeremia tôḡ ma kêsôm gebe “Aôm gobe ôêc ôndêḡ Kaldeawaga ôna.”

¹⁴ Ma Jeremia kêsôm gebe “Aôm kôsau, aê jaêc jandêḡ Kaldeawaga jana atom.” Mago Iria kêkêḡ taḡa en atom. En kêkôc en tôḡ ma ḡêwê en ḡêdêḡ kasêḡa ḡêja.

¹⁵ Ma kasêḡa têtac ḡandan ḡêdêḡ Jeremia ma sêjac en to sêkêḡ en ḡêḡḡon kapoacwalô anḡa ḡac-keto-papiawaga Jonatan nê andu. Gêdêḡ ḡasawa tonan êsêac sêjam andu tonan ôkwi kêtû andu kapoacwalôḡa teḡ.

Sedekia gêjam binjalôm gêwiñ Jeremia

¹⁶ Êsêac sêkêñ Jeremia gêngôn andu tonan ñabalêm, tan gêc nom ñalêlôm nan, ma gêmoa tonan bêc taêsam.

¹⁷ Ma bêc ten kin Sedekia kêsakin ñac ten gebe êkôc Jeremia. Ma kin kêtû kênac en kelecgen anga nê andu ma kêsôm gebe “Apômtaunê bin ten gêc aômña me masi.” Jeremia gêjô en awa gebe “Aec, gêc.” Go en kêsôm gebe “Aôm oc ôsêp kin Babelña lêma.”

¹⁸ Ma Jeremia kêsôm gêdên kin Sedekia gêwiñ gebe “Aê gagôm keso ondoc gêdên aôm me gêdên nêñ sakinwaga me gêdên nêñ lau, tec kôkên aê gangôn kapoacwalô.

¹⁹ Amacnêñ propete, tan seoc bin lasê gêdên aôm ma sêsôm gebe ‘Kin Babelña oc êmên ma ênac sin êndên amac me êndên gamên tonec atom’ nan, sêmoa ondoc.

²⁰ O ñoc ñatau kin, ôñô ñoc bin, tec katen aôm lêna-lêna nec, ôsakin aê jamu jana ñac-keto-papiawaga Jonatan nê andu êtiam atom. Embe ôsakin aê jana, oc jamac endu.”

²¹ Amboac tonan kin Sedekia kêjatu nê lau, tec sêkên Jeremia gêngôn sinwaga, tan sejop gamên nan, nê malaclun ma sêkên polom samuc ten, tan sêkôc anga lausêpac-polomwaga nên nan, gêdên en kêtôm bêcgen e polom samob gêbacnê anga malac. Sêgôm amboac tonan gêdên en ma gêngôn sinwaga, tan sejop gamên nan, nên malaclun.

38*Sêjam Jeremia sa anga sê*

¹ Ma Matan latu Sepatia agêc Pasur latu Gedalia ma Selemia latu Jukal agêc Malkia latu Pasur sêhō biñ, tañ Jeremia kêsôm gêdêñ lau samob gebe

² “Apômtau kêsôm biñ tonec gebe Lau, tañ sêmoa malac tonec nañ, oc sêmac êndu ña siñ me tōbôm me gêmac sec. Mago lau, tañ sêsa dêndêñ lau Kaldea sêna nañ, oc sêmoa maten jali. Êsêac sêsêp siñ sawa nasêmoa tomaten jaligen.”

³ Apômtau kêsôm biñ tonec gebe Malac tonec oc êsêp kiñ Babelña nê siñwaga lemen ma oc sêku amac tau tulu biññanôgen.”

⁴ Go kasêga sêsôm gêdêñ kiñ gebe “Ôsôm gebe sênac ñac tonec êndu gebe ênê biñ tonan oc êngôm lausiñ, tañ gacgen sêmoa malac nañ, to lau samob lemen êtu goloñ. Ñac tonec taê gêjam biñ lau sêmoa ñajamña atom, en taê gêjam biñ lau têtap gêñwapac sanagen.”

⁵ Kiñ Sedekia kêsôm gebe “Alic acgom, en kêsêp amac lememe sugac gebe kiñ kêtôm gebe ensen amacnêm biñ su atom.”

⁶ Amboac tonan êsêac sêkôc Jeremia tōñ ma sêbaliñ en kêsêp kiñ latu Malkia nê bukom ñasê, tañ gêc siñwaganêñ malaclun nañ. Êsêac sêlêwan Jeremia ña lêpoa. Mago bu kêpoac sê tau atom, ñalemongen. Tec Jeremia kêsêp jakêkô lemon ñalêlôm.

⁷ Mago kiñnê andu ñasakiñwaga ten anga Aitiopia, ênê ñaê Ebedmelek, gêñô ñawae gebe sêbaliñ Jeremia kêsêp bukom ñasê. En gêmoa kiñnê andu ma kiñ tau gêngôn Sacgêdô Benjaminña.

⁸ Tec en gêwi kiñnê andu siñ ma gêdêñ kiñ gêja jakêsôm gebe

⁹ “O ɲoc ɲatau kiɲ, gêɲ samob, taɲ lau tonec sêgôm gêdêɲ propete Jeremia naɲ, samob sec, êsêac sêbaliɲ eɲ kêsêp bukom ɲasê gebe naêmac êndu gebe polom teɲ gêc malac atomanô.”

¹⁰ Go kiɲ kêjatu ɲac Aitiopiaɲa Ebedmelek gebe “Ôkôc lau tâlêac aɲga tonec sêwiɲ aôm ma aê propete Jeremia sa aɲga sê gebe êmac êndu atom.”

¹¹ Go Ebedmelek kêkôc lau sêwiɲ eɲ ma sêja kiɲnê andu jasêsô balêm ɲakwêɲa sêja ma eɲ kêkôc obo gêɲgic to ɲakwê laɲgwa aɲga tôné jakêlêwaɲ gêɲ tau ɲa lêpoa kêsêp sê gêdêɲ Jeremia gêja.

¹² Go ɲac Aitiopiaɲa Ebedmelek kêsôm gêdêɲ Jeremia gebe “Ôkêɲ obo laɲgwa tonan êsô kasum-labu êtu suɲ gebe lêpoa êniɲ aôm atom.” Tec Jeremia gêgôm amboac tonan.

¹³ Ma êsêac sê eɲ sa ɲa lêpoa kêpi gêmêɲ ma sêkam eɲ sa aɲga sê. Sêgôm amboac tonan tec Jeremia jagêɲgôn siɲwaga, taɲ sejop gamêɲ naɲ, nêɲ malacluɲ kêtiã.

Sedekia gebe êɲô biɲ aɲga Jeremianê

¹⁴ Kiɲ Sedekia kêsakiɲ lau gebe sêkôc propete Jeremia. Êsêac sêwê eɲ gêdêɲ kiɲ, taɲ gêɲgôn Apômtaunê lôm dabuɲ ɲasacgêdô kêtû tâlêacɲa naɲ sêja. Kiɲ kêsôm gêdêɲ Jeremia gebe “Aê oc jatu kênac biɲ teɲ êndêɲ aôm. Ônsa biɲ teɲ auc êndêɲ aê atom.”

¹⁵ Jeremia kêsôm gêdêɲ Sedekia gebe “Aê embe jasôm biɲ tau êndêɲ aôm, oc ôsôm êndêɲ lau gebe sênac aê êndu biɲɲanôgeɲ. Ma embe jawa lêɲ êmoasiɲ aômɲa sa êndêɲ aôm, oc ôkêɲ taɲem aê atom.”

16 Go kiñ Sedekia kêtôc lêma kelecgen gêdên Jeremia gebe “Kêtu Apômtau, tañ kêkên aêac tamoa maten jali nanña, aê jasôm biññanôgen gebe oc jansen aôm su atom me jakên aôm ôsêp lau tonec, tañ sebe sênac aôm êndu nan, lemen atom amboac tonanjen.”

17 Go Jeremia kêsôm gêdên Sedekia gebe “Apômtau, lausin undambêña nêñ Anôtô to lau Israel nêñ Anôtô, kêsôm biñ tonec gebe Aôm embe ôkên taôm ôsêp kiñ Babelña nê kasêga lemen, go ônam samuc ma ja êniñ malac tonec su atom, ma aôm to nêñm gôlôac oc amoa matem jali.

18 Mago aôm embe ôkên taôm ôndên kiñ Babelña nê kasêga atom, go malac tonec êsêp lau Kaldea lemen ma êsêac sêkên ja êniñ malac tau ma aôm ôwê êsêac lemen sa atom.”

19 Ma Sedekia kêsôm gêdên Jeremia gebe “Aê katêc Judawaga, tañ sêc dêdên lau Kaldea sêja. Moae lau Kaldea sêkên aê jandên êsêac ma êsêac oc sêngôm aê sec.”

20 Mago Jeremia kêsôm gebe “Oc sêkên aôm ôndên êsêac atom. Galoc aôm tañam wamu Apômtau awa, tañ kasôm gêdên aôm nan, go ênam aôm sa ma ônam samuc.

21 Mago aôm embe ondec ma ôkên taôm ôndên êsêac atom, go biñ, tañ Apômtau kêtôc gêdên aê nan, êtu tôn gebe

22 Ôlic acgom, oc sêwê lauo samob, tañ sêngôn Judanên kiñnê andu nan, sêsa dêndên kiñ Babelña nê kasêga sêna ma êsêac oc sêsôm gebe

‘Nem lau, tañ ôlin andan aôm nan, sêsau sêôc aôm to sêkônin aôm tôn.

Galoc kôka taôm su kôsêp lemonj jakôkô ma êsêac sêc sêja.’

²³ Êsêac oc sêwê nêmi lau to latômi samob sêsa dêndênj lau Kaldea sêna, ma aôm taôm oc ôêc êsêac lemenj su atom, kinj Babelja oc êkôc aôm tônj ma ja oc êniñ malac tonec.”

²⁴ Go Sedekia kêsôm gêdênj Jeremia gebe “Ôkênj binj tonanj êndênj lau tenj sênjô atom, go ômac êndu atom.

²⁵ Kasêga embe sênjô njawae gebe gajam binjalôm gawinj aôm, ma êsêac embe dêndênj aôm sêwac ma sêsôm gebe ‘Ônac minj binj, tanj aôm kôsôm gêdênj kinj ma kinj kêsôm gêdênj aôm nanj, êndênj aêac, ônsa binj tenj auc êndênj aêac atom, go anac aôm êndu atom’

²⁶ embe sêsôm amboac tonanj, go ôsôm êndênj êsêac gebe ‘Aê katenj kinj lêna-lêna gebe êsakinj aê jamu jana Jonatannê andu êtiam atom. Embe jana, oc jamac êndu anja tônê.’ ”

²⁷ Go kasêga samob dêdênj Jeremia sêja ma têtû kênac enj ma enj gêjô êsêac awenj kêtôm binj, tanj kinj kêsôm gêdênj enj nanj. Tec êsêac sêwi enj sinj gacgenj gêmôa gebe njac tenj tanjasunj gêjac binjalôm tônê atom.

²⁸ Ma Jeremia gêngônj sinjwaganênj malaclunj e gêdênj bêc, tanj njacjo sêku Jerusalem tulu nanj.

^{39:1-51:64} Nebukadnesar kêku malac Jerusalem tulu ma gêwê Judanênj kinj Sedekia jagêngônj kapoacwalô anja Babilon, mago kêgaboac Jeremia su. Gedalia kêtû gôlinjwaga, mago saunjenj, go sêjac enj êndu kelecgenj. Lau Juda njagêdô sêc su sêja Aiguptu ma sêkac Jeremia gebe êwinj êsêac. Anôtônê jaenj, tanj kêkanônj lau-m njagêdô nanj, kêsêp môkêlatu 46-51. Enj kêsôm binj mêtôcnja lasê gêdênj

êsêac ma gêdên lau Aiguptu to Babilon amboac tonanjen.

52

Sedekianê gôlin

¹ Sedekianê jala kêtû 21, go en kêtû kin. En gêjam gôlin jala 11 gêngôn Jerusalem. En têna Jeremia anga Libna latuo Hamutal.

² En gêgôm gen, tan gêjac Apômtau mataanô njam atom nan, kêtôm Jojakim gêgôm.

³ Gên tan kêtap Jerusalem to Juda sa e Apômtau kêtin êsêac su anga lanônêmna nan, nam kêsêp Apômtaunê têtac nandan.

Seku Jerusalem tulu

Ma Sedekia gêli tau sa gêdên kin Babelna.

⁴ Sedekia gêjam gôlin jala 8 ma ajôn 10 ma nabêc 10 su, go kin Babelna Nebukadnesar to nê sinwaga samob sêo lasê Jerusalem gebe sênac sin. Êsêac sêgi Jerusalem auc ma sêmasan gamên to gên sinna njajana nagêdô êtu sêku malac tau tuluna.

⁵ Amboac tonan njajo sêgi malac tau auc e kin Sedekia nê jala gôlinna kêtû 11.

⁶ Gêdên jala tonan naajôn kêtû aclê nabêc 9 tôbôm gêjam sêga anga malac tau, tec lau tau nêj mo masi samucgen.

⁷ Go njajo têtuc malac natunbôm nasawa ten popoc. Tec kin Sedekia to nê sinwaga samob sêlic ma sêc sêja. Êsêac sêwi malac tau sin gêdên gêbêc sêsa sacgêdô, tan gêc tunbôm luagêc nasawa kêsi kinê kôm saunna ma sepen gamên Arabagen sêja. Gêdên tonan lau Kaldeana sêgi malac tau auc sêmoa.

⁸ Mago lau Kaldea nêñ sinwaga sêjanda kin Sedekia e sê enj tòn anga gaboan Jerikonja ma êné sinwaga samob sêwi enj sin ma sêc êlin-êlin.

⁹ Go sêkôc kin tòn ma sejon enj gêdên kin Babelja, tanj gêngôn Ribla anga gamên Hamat nan, sêja ma enj kêmetôc Sedekia.

¹⁰⁻¹¹ Kin Babelja gêjac Sedekia latui êndu anga enj tau mataanô ma gêjac Judanên lau towae samob êndu amboac tonangen anga Ribla. Ma kêsôm gêdên nê lau gebe sêngun Sedekia mataanô lasê ma sênsô enj tòn ña kapoacwalô ki. Go kin Babelja gêwê enj gêja Babel ma kêkên enj gêngôn kapoacwalô e gêmac êndu.

Lau Juda sêngôn kapoacwalô

¹² Gêdên ajôn kêtû lemen tenja ñabêc 10 sinwaga, tanj sejon kin Babelja nan, nêñ kasêga Nebusaradan, tanj gêjam sakin kin Babelja nan, kêsô Jerusalem gêja. Gêdên tonan kin Babelja Nebukadnesar gêjam gôlin nê gamên jala 19 su.

¹³ Ma Nebusaradan kêkên ja genj Apômtaunê andu to kinê andu ma Jerusalem ñaandu samob. Enj kêkên ja genj andu kapôên samob su.

¹⁴ Ma lau Kaldea nêñ sinwaga, tanj sêwinj Nebusaradan nan, têtuc tunbôm, tanj kêgi Jerusalem auc nan, popoc samucgenj.

¹⁵ Ma kasêga Nebusaradan kêkôc lau ñalêlôm sawa ñagêdô to lau ñapopoc, tanj sêngôn malac nan, ma lau, tanj sêc dêdên kin Babelja sêja nan, ma lau lemen mêtênja ñapopoc tòn.

¹⁶ Mago gêwi lau ñalêlôm sawa ñagêdô sin gacgen sêmoa gebe sênam kôm anga kôm wainja to kôm monja.

¹⁷ Ma lau Kaldean̄a têtuc Apômtaunê andu ɲaalê, tan̄ sêmasan̄ ɲa ki jonjon̄ nan̄, ma sac to bukom, tan̄ sêmasan̄ ɲa ki jojon̄ kêkô Apômtaunê andu ɲalêlôm nan̄, popoc-popocgen̄ ma sêkôc ki jonjon̄ tau sêja Babel.

¹⁸ Ma êsêac sêkôc ku to siac ma bôjan̄ to laclu ma gêm̄alu ɲabulakôp to ɲagên̄lêlôm samob, tan̄ sêmasan̄ ɲa ki jonjon̄ kêt̄u sakin̄ lôm dabun̄ja nan̄, samobgen̄ su.

¹⁹ Êsêac sêkôc laclu saun̄ to laclu sêkên̄ wao kêsêp̄ja ma suc to ku ma jakain̄ to gêm̄alu ɲabulakôp ma laclu sênôm wain̄ kêsêp̄ja su amboac tonan̄gen̄. Sin̄waganên̄ kasêga kêkôc gên̄, tan̄ sêmasan̄ ɲa gold to silber nan̄, samob su.

²⁰ Alê kapôên̄ luagêc to bukom ma bulimakao kapoac 12 ɲakatu, tan̄ kêt̄u bukom tau ɲasac ma sac ɲagêdô, tan̄ kin̄ Salomo kêmasan̄ kêt̄u Apômtaunê andun̄ja nan̄, gên̄ samob tonan̄ ɲai êsêac sêmasan̄ ɲa ki jonjon̄. Ma ki samob tonan̄ ɲawapac sec, tec sêjam dôŋ kêtôm atom.

²¹ Alê kapôên̄ ɲadôn̄ amboac tonec. Alê tau balin̄ amboac saka lemen̄ ten̄, ma alê tau ɲadambê kêtôm lau têlêac sêm̄bôn̄. Êsêac sêmasan̄ alê tau kêtôm gasuc ton̄alêlôm ma ɲadani ɲadôn̄ kêtôm lemen̄latu aclê.

²² Ma sêmasan̄ ɲatêpôê ton̄atalô ɲa ki jonjon̄ ma ɲatêpôê ɲasawa, tan̄ sepen̄ ɲatalô kêsêp̄ nan̄, kêtôm saka samuc ten̄. Ma sêmasan̄ o to kan̄anô ɲakatu ɲa ki jonjon̄ amboac tonan̄gen̄ ma sêkên̄ gen̄kalen̄ kêgi ɲatalô tau auc. Alê kêt̄u luagêc̄ja kêtôm tonan̄gen̄.

²³ Kan̄anô 96 gen̄kalen̄ maken̄-maken̄ ma kan̄anô ɲakatu samob kêpi tagen̄ kêtôm 100 gen̄kalen̄ o

nakatu ñalêlôm.

²⁴ Ma sinwaganêñ kasêga kêkôc ñac dabunșêga Seraia agêc dabunwaga, tañ jakêsô en ñalabu nañ, Sepania ma lau tâlêac, tañ sejop lôm dabun ñasacgêdô nañ tôn.

²⁵ Anğa malac Nebusaradan kêkôc Judanêñ sinwaganêñ kasêga to lau 7, tañ ôlin andan kin ma gacgen sêmoa malac nañ, ma sinwaganêñ kasêganê ñac-keto-papiawaga, tañ kêjalin sinwaga sa anğa gamên Judana ma keto nêñ ñaê kêsêp ñaêmôkê nañ, ma lau gamên Judana 60, tañ gacgen semoa malac tau nañ tôn.

²⁶ Ma Nebusaradan kêkôc êsêac tôn ma kêsakin êsêac dêdên kin Babelña, tañ gêngôn Ribla nañ sêja.

²⁷ Ma kin Babelña kêsôm, tec sêjac êsêac êndu anğa Ribla, tañ gêc gamên Hamat. Tec lau Juda sêwi nêñ gamên sin ma sêwê êsêac jasêngôn kapoacwalô.

²⁸ Lau tañ Nebukadnesar gêwê êsêac jasêngôn kapoacwalô nañ, nêñ namba tonec. En kêkôc lau Juda 3,023 gêdên ênê jala gôlinña kêtû 17.

²⁹ Ma gêdên ênê jala gôlinña kêtû 18 nañ, en gêwê lau 832 anğa Jerusalem jasêngôn kapoacwalô.

³⁰ Ma gêdên tañ Nebukadnesarnê jala gôlinña kêtû 23 nañ, sinwaganêñ kasêga Nebusaradan gêwê lau Juda 745 jasêngôn kapoacwalô. Lau samob sêpi tagen têtôm 4,600.

Êsêac sêgaboac Jojakim su ma tetoc en sa anğa Babel

³¹ Kin Judana Jojakim gêngôn kapoacwalô jala 37 su. Gêdên jala tonan kin Babelña Ewilmerodak kêkôc nê kôm gôlinña sa. Tec jala tau ñaajôn kêtû

12 ma ɲabêc 25 eɲ taê walô kiɲ Judaɲa Jojakim, tec kêgaboac eɲ su aɲga kapoacwalô.

³² Eɲ kêsôm biɲ malôgeɲ gêdêɲ eɲ ma kêkêɲ eɲ gêɲgôɲ lêpôɲ teɲ ɲaô ma ketoc eɲ sa kêlêlêc kiɲ ɲagêdô, taɲ sêmoa Babel naɲ su.

³³ Jojakim kêkwalec nê ɲakwê kapoacwalôɲa su ma geɲ gêɲ gêɲgôɲ kiɲnê tebo kêtôm bêc samob ɲapaɲ e gêmac êndu.

³⁴ Ma kiɲ kêkêɲ gêɲ ɲagêdô, taɲ eɲ kêpô lêna naɲ, gêdêɲ eɲ kêtôm bêc samob, taɲ eɲ gêmoa mata jali naɲ, e gêmac êndu.

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Mar 2025 from source files dated 31 Aug 2023

447e01c5-a375-5452-ae54-b3f890293eeb